



全  
校  
水  
經  
注

ル 5  
134  
10



東京書局  
學校圖書

名  
134  
10

水經注第三十三 范陽酈道元注 鄞全祖望校

布政使銜浙江甯紹台兵備道無錫薛福成校刊

沔水一 是二卷用胡渭本重校過然自下卷牛渚以下存而不論可也

沔水出武都沮縣東狼谷中

沔水一名沮水鬪駟曰以其初出沮洳然故曰沮水

也縣亦受名焉導源南流泉街水注之水出河池縣

東南流入沮縣會于沔沔水又東南逕沮水成而東

南流注漢曰沮口 今案此十八字改經為注戴趙同 所謂沔漢者也

尚書曰蟠豕導漾東流為漢山海經所謂漢出鮒嵎

山也 戴侗曰漢國號漢从水不聞有改魚說非也周嬰亦同梓材案此重校本夾片 東北

水經注 卷三十三 沔水一

流得獻水口庾仲雍曰是水南至關城合西漢水

梓材

按舊本重漢水二字趙氏朱箋刊誤云胡渭校衍全氏以胡本重校則亦衍之也○今案戴本仍重出

又東北合沮口同為漾水之源也故如淳曰此方人

謂漢水為沔水孔安國曰漾水東流為沔蓋與沔合

也至漢中為漢水是互相通稱矣沔水又東逕白馬

戍南澧水入焉今案此十三字改水北發武都氏中

南逕張魯城東

魯沛國張陵孫陵學道於蜀鶴鳴山傳業衡衡傳

於魯魯至行寬惠百姓親附供道之費米限五斗

故世號五斗米道初平中劉焉以魯為督義司馬

住漢中斷絕谷今案趙道用遠城治因即嶠嶺周

作閭

迴五里東臨濬谷杳然百尋西北二面連峯接崖

莫究其極從南為盤道登陟二里有餘

澧水又南逕張魯治東

水西山上有張天師堂於今民事之庾仲雍謂山

為白馬塞堂為張魯治東對白馬城一名陽平關

澧水南流入沔謂之澧口

其城西帶澧水南面沔川城側二水之交故亦曰

澧口城矣

沔水又東逕武侯壘南今案此九字改

經為注戴趙同

諸葛武侯所居也南枕沔水水南有亮壘背山向  
水中有小城迴隔難解

沔水又東逕沔陽縣故城南今案此十一字改  
經為注戴趙同

城舊言漢祖在漢中今案趙本上  
言字移此蕭何所築也漢

建安二十四年劉備并劉璋北定漢中始立壇即

漢中王位於此今案趙  
有城字其城南臨漢水北帶通遠

南面崩水三分之一觀其遺略厥狀時傳南對定

軍山曹公南征漢中張魯降乃命夏侯淵等守之

劉備自陽平關南渡沔水遂斬淵首保有漢中諸

葛亮之死也遺令葬於其山因即地勢不起墳壟

唯深松茂柏攢蔚川阜莫知墓塋所在山東名高

平是亮宿營處有亮廟亮薨百姓野祭步兵校尉

東習隆中書郎向充其表云臣聞周人思邵伯之德

甘棠為之不伐越王懷范蠡之功鑄金以存其像

亮德軌遐邇勳蓋來世王室之不壞實賴斯人而

使百姓巷祭戎夷野祀非所以存德念功追述在

昔者也今若盡順民心則黷而無典建之京師又

逼宗廟此聖懷所以惟疑也臣謂宜近其墓立之

沔陽斷其私祀以崇正禮始聽立祀斯廟蓋所啟

置也鍾士季征蜀枉駕設祠塋今案趙  
作營東即八陣

圖也遺基略在崩褫難識

沔水又東逕西樂城北今案此九字改經為注戴趙同

城在今案趙有沔山上周三十里甚險固城側有

谷謂之容裘谷道通益州山多羣獠諸葛亮築以

防遏梁州刺史楊亮今按戴有以字即險之固保而居之

為苻堅所敗後刺史姜守潘猛亦相仍守此城

城東容裘谿水注之俗謂之洛水也水南導巴嶺山東北流

水左有故城憑山即險四面岨絕昔先主遣黃忠據之以拒曹公

谿水又北逕西樂城東而北流注於漢漢水又左得

度口水今案此入字改經為注戴趙同出陽平北山水有二源一曰

清檢出佳鱧一曰濁檢出好鮒常以二月八月取之

美珍常味度水南逕陽平縣故城東又南逕沔陽縣

故城東西今案趙作而南流注于漢水漢水又東右會溫

泉水口水發山北平地方數十步泉源沸湧冬夏湯湯望之則白氣浩然言能瘥百病云

洗浴者皆有硫黃氣赴集者常有百數

池水通注漢水漢水又東黃沙水左注之今案此十字改經為

注戴趙同水北出遠山山谷窾險人跡罕交谿曰五丈谿

水側有黃沙屯諸葛亮所開也

其水南注漢水

南有女郎山山上有女郎冢遠望山墳嵬嵬狀高  
及即其所裁有墳形山上直路下出不生草木世  
人謂之女郎道下有女郎廟及擣衣石言張魯女  
也

有小水北流入漢謂之女郎水漢水又東合褒水

此七字改經為注戴趙同水西北出衙嶺山東南逕大石門歷故

棧道下谷俗謂千梁無柱也

諸葛亮與兄瑾書曰前趙子龍退軍燒壞赤崖以

北閣道緣谷一今按戴無此字百餘里其谷梁一頭入山

腹其一頭立柱於水中今水大而急不得安柱此

其窮極不可強也又云頃大水暴出赤崖以南橋

閣悉壞時趙子龍與鄧伯苗一戍赤崖屯田一戍

赤崖口但得緣崖與伯苗相聞而已後諸葛亮死

於五丈原魏延先退而焚之謂是道也自後案舊

修路者悉無復水中柱逕涉者浮梁振動無不搖

心眩目也

褒水又東南逕三交城城在三水之會故也一水北

出長安一水西北出仇池一水東北出太白山是城

之所以取名矣褒水又東南得丙水口水上承丙穴  
穴出嘉魚常以三月出十月入地穴口廣五六尺  
去平地七八尺有泉懸注魚自穴下透入水穴口  
向丙故曰丙穴下注褒水故左思稱嘉魚出于丙  
穴良木攢于褒谷矣

褒水又東南歷小石門

門穿山通道六丈有餘刻石言漢明帝永平中司  
隸校尉犍爲楊厥之所開建桓帝建和二年漢中  
太守同郡王升嘉厥開鑿之功琢石頌德以爲石  
牛道來敏本蜀論云秦惠王欲伐蜀而不知道作

五石牛以金置尾下言能屎金蜀王負力令五丁  
引之成道秦使張儀司馬錯尋路滅蜀因曰石牛  
道厥蓋因而廣之矣蜀都賦曰岨以石門其斯之  
謂也門在漢中之西褒中之北

褒水又東南歷褒口卽褒谷之南口也北口曰斜所  
謂北出褒斜褒水又南逕褒縣故城東

褒中縣也本褒國矣漢昭帝元鳳六年置

褒水又南流入于漢漢水又東逕萬石城下

城在高原上原高十餘丈四面臨平形若覆瓮水  
南過水爲岨西北並帶漢水其城宿是流雜聚居

故世亦謂之流雜城

漢水又東逕漢廟堆下

今案此九字改經為注戴趙同

昔漢女所遊側水為釣臺後人立廟於臺上世人觀其頽基崇廣因謂之漢廟堆傳呼乖實又名之謂漢武堆非也

又

今案戴無此字東過南鄭縣南今案此句戴趙作經當依

縣故褒之附庸也周顯王之世蜀有褒漢之地至六國楚人兼之懷王衰弱秦略取焉周赧王二年秦惠王置漢中郡因水名也耆舊傳曰南鄭之號始於鄭桓公桓公死於犬戎其民南奔故以南鄭

為稱即漢中郡治也漢高祖入秦項羽封為漢王

蕭何曰天漢美名也遂都南鄭大城周四十二里

城內有小城南憑津流北結環雉金墉漆井皆漢

所修築地沃川險魏武方之雞肋曰釋騏驥而不

乘焉皇皇而更求遂留杜子緒鎮南鄭西還晉咸

康中梁州刺史司馬勳斷小城東面三分之一以

為梁州漢中郡南鄭縣治也自齊宋魏咸相仍焉

水南即漢陰城也相承言呂后所居也

有廉水出巴嶺山北流逕廉川故水得其名矣廉水

又北注漢水漢水右合池水水出旱山



山有有祠列石十二不辨其由蓋社主之流百姓  
四時祈禱焉

俗謂之獠子水夾漈諸田散流左注漢水漢水又東  
得長柳渡今案此八字改  
經為注戴趙同

長柳村名也漢太尉李固墓碑銘尚存文字剝落  
不可復識

漢水又東逕胡城南

義熙十五年城上有密雲細雨五色昭章今案戴  
作彰

人相與謂之慶雲休符當出曉而雲霽乃覺城崩  
半許淪水出銅鐘十二枚刺史索邈奉送洛陽歸

山之宋公府

南對扁鵲城

當是越人舊所逕涉故邑流其名耳

漢水出于二城之間右會磐余水水出南山巴嶺上  
泉流兩分飛清派注南入蜀水北注漢津謂之磐余  
口

庾仲雍曰磐余去胡城二十里

漢水又左會文水今案此七字改  
經為注戴趙同水即門水也出胡

城北山石穴中

長老云杜陽有仙人宮石穴宮之前門故號其川

為門川水為門水

東南流逕胡城北

三城奇對隔谷羅布深溝固壘高臺相距

門水右注漢水謂之高橋谿口漢水又東黑水注之

今案此八字改經為注戴趙同水出北山南流入漢

庾仲雍曰黑水去高橋三十里諸葛亮牋云朝發

南鄭暮宿黑水四五十里指謂是水也道則百里

也

又東過成固縣南又東過魏興安陽縣南涪水出自旱

山北注之別見涪水篇

常璩華陽國志曰蜀以成固為樂城縣也安陽縣

故隸漢中魏分漢中立魏興郡安陽隸焉

涪水出西南而東北入漢今案此下趙本有左谷水出西面而東北入漢十一

字左谷水出西今案趙北即壻今案趙作水也北發

聽山山下有穴水穴水東南流歷平川中謂之壻鄉

水曰壻水

川有唐公祠唐君字公房成固人也學道得仙入

雲臺山合丹服之白日升天雞鳴天上犬吠雲中

唯以鼠惡留之鼠乃感激以月晦日吐腸胃更生

故時人謂之唐鼠也公房升仙之日壻行未還不

獲同階雲路約以此川為居言無繁霜蛟虎之患

其俗以為信然因號為壻鄉故水亦即名焉百姓

為之立廟於其處也今按此字趙刊石立碑表述

靈異

壻水南歷壻鄉谿出山東南流逕通關勢南

山高百餘丈上有匈奴城方五里濬塹三重高祖

北定三秦蕭何守漢中欲修北道通關中故名為

通關勢

壻水又東逕七女冢

冢夾水羅布如七星高十餘丈周迴數畝元嘉六

年大水破墳墳崩出銅不可稱計得一甄刻云項

蓋氏伯無子七女造櫛世人疑項伯冢

水北有七女池池東有明月池伏如偃月皆相通注

謂之張良渠蓋良所開也壻水逕樊噲臺南

臺高五六丈上容百許人

又東南逕大成固北

城乘高勢北臨壻水水北有韓信臺高十餘丈上

容百許人相傳高祖齋七日置臺設九賓禮以禮

拜信也

壻水東迴南轉又逕其城東而南入漢水謂之三水

口也漢水又東會益口水出北山益谷東南流注于

漢水漢水又東至灋城南與洛谷水合今案此十三字改經為注

戴趙同水北出洛谷谷北通長安其水南流右則灋水

注之水發西谿東南流合為一水亂流南出際其城

西南注漢水漢水又東逕小成固南今案此九字改經為注戴趙同

州治大成固移縣北故曰小成固

城北百二十里有興勢坂諸葛亮出洛谷成興勢置

烽火樓處通今案趙作臨照漢水東歷上濤而逕于龍下

蓋伏石驚湍流屯激怒故有上下二濤之名

龍下地名也有邱擲墳墟舊謂此館為龍下亭自

白馬迄此則平川夾勢水豐壤沃利方三蜀矣度

此溯洞從漢為山行之始

漢水又東逕石門灘今案此八字改經為注戴趙同山峽也東會西

水水北出秦嶺西谷南歷重山與寒泉合水東出寒

泉嶺泉湧山頂望之交橫似若瀑布頽波激石散若

雨灑勢同厭原風雨之池其水西流入于酉水酉水

又南注漢謂之酉口漢水又東逕媯墟灘今案此八字改經為

注戴趙同

世本曰舜居媯汭在漢中西城縣或言媯墟在西

北舜所居也或作姚墟故後或姓姚或姓媯媯姚

之異是妄未知所從余案應劭之言是地于西城  
為西北也

漢水又東逕猴徑灘

今案此八字改  
經為注戴趙同

山多猴猿好乘危綴飲故灘受斯名焉

漢水又東逕小大黃金南

今案此十字改  
經為注戴趙同

山有黃金峭水北對黃金谷有黃金戍傍山依峭  
險折七里氏掠漢中阻此為戍與鐵城相對一城  
在山上容百餘人一城在山下可置百許人言其  
險峻故以金鐵制名矣昔楊難當令魏興太守薛  
健據黃金姜寶據鐵城宋遣秦州刺史蕭思話西

討趙氏朱箋刊誤云蕭思話下落西討話令陰平

太守蕭坦攻拔之賊退西水矣

漢水又東合遽除溪口

今案此九字改  
經為注戴趙同

水北出就谷

在長安西南其水南流逕巴谿戍西又南逕陽都坂  
東

坂自上及下盤折一十九曲西連寒泉嶺漢中記  
曰自西城涉黃金峭寒泉嶺陽都坂峻嶒百重絕  
壁萬尋既造其峯謂已踰崧岱復瞻前嶺又倍過  
之言陟羊腸超煙雲之際顧看向途杳然有不測  
之險山豐野牛野羊騰巖越嶺馳走若飛觸突樹

木十圍皆倒山殫良阻地窮坎勢矣

其水南歷蘧蔭谿謂之蘧蔭水而南流注于漢謂之

蔭口漢水又東右會洋水今案此八字改經爲注戴趙同川流漫闊

廣幾里許洋水導源巴山東北流逕平陽城

漢中記曰本西鄉縣治也自成今按趙作城固南城

南今按戴無此二字入三百八十里距南鄭四百八十里洋

川者漢戚夫人之所生處也高祖得而寵之夫人

思慕本鄉追求洋川米帝爲驛致長安蠲復其鄉

更名曰縣故又目其地爲祥川用表夫人載誕之

依祥也西鄉縣本晉置而戚夫人產定陶不城卽聞爲蜀女胡三省曰道元好奇之過

定遠矣漢順帝永光今案趙作和帝永元誤七年封班超以

漢中郡南鄭縣之西鄉爲定遠侯卽此也

洋水又東北流入漢謂之城陽水口也漢水又東歷

敖頭今案此七字改經爲注戴趙同

舊立倉儲之所傍山通道水陸險湊魏興安康縣

治有戍統領流雜

漢水又東合直水今案此七字改經爲注戴趙同水北出子午谷巖

嶺下又南枝分東注洵水又南逕蕤閣下

山上有戍置于崇阜之上下臨深淵張子房燒絕

棧閣示無還也

又東南歷直谷逕直城西而南流注漢漢水又東逕

直城南今案此八字改經為注戴趙同又東逕千渡而至蝦蟇頤歷

漢陽灑口而屈于彭谿龍竈矣並溪澗灘磧之名也

漢水又東逕晉昌郡之寧都縣南今案此十三字改經為注戴趙同

縣治松溪口

又東逕魏興郡廣城縣

縣治王谷谷道南出巴獠有鹽井食之令人癯疾

漢水又東逕魚脯谷口今案此九字改經為注戴趙同

舊西城廣城二縣指此谷而分界也

又東過西城縣南

漢水又東逕鰲池南今案趙鯨灘作爲

鯨大也蜀都賦曰流漢湯湯驚浪雷奔望之天迴

卽之雲昏者也

漢水又東逕嵐谷北口

嶂遠谿深澗峽險邃氣蕭蕭以瑟瑟風颭颭而颭

颭故川谷擅其日矣

漢水又東右得大勢今案此八字改經為注戴趙同勢岨急谿故亦

曰急勢也

依山爲城城周二里在峻山上梁州督護吉挹所

治苻堅遣偏軍韋鍾伐挹固守二年不能下無

援遂陷

漢水右對月谷口

今案此七字改經為注戴趙同

山有坂月川于中沃壤沃衍而桑麻列植佳饒水田故孟達與諸葛亮書善其川土沃美也

漢水又東逕西城縣故城南

今案此十二字改經為注戴趙同

地理志曰西城故

今案戴無此四字

漢中郡之屬縣也漢

末為西城郡建安二十四年劉備以申儀為西郡太守儀據郡降魏魏文帝改為魏興郡治故西城縣之故城也氏略漢川梁州移治於此城內有舜祠漢高帝廟置民九戶歲時奉祠焉

漢水又東為鱸湍

今案此七字改經為注戴趙同

洪波滂盪瀾浪雲

頽古者舊言有鱸魚舊鱸迴流望濤直上至此則暴

鯁失濟故因名湍矣漢水又東合旬水

今案此七字改經為注戴

趙水北出旬山東南流逕平陽戍下與直水枝分東

注逕平陽戍入旬水旬水又東南逕旬陽縣與柞水

合水西出柞谿南流逕重巖堡西屈而東流逕其堡

南東南注于旬水旬水又東南逕旬陽縣南

縣北山有懸書崖高五十丈刻石作字人不能上

不知所道

今按趙作述

山下有石壇上有馬迹五所名

曰馬迹山



旬水東南注漢謂之旬口漢水又東逕木蘭寨南今案

此九字改經為注戴趙同

右岸有城名伎今按趙無此字陵城周迴數里左岸壘石

數十行重壘數十里中謂是處為木蘭寨云吳朝

遣軍救孟達於此矣

漢水又東左得育溪今案此八字改經為注戴趙同

興晉旬陽二縣分界於是谷

漢水又東合甲水口水出秦嶺山東南流逕金井城

南又東逕上庸郡北與關柵今案戴作柵下同水合水出上

洛陽亭縣北清今案戴作青泥西山南逕陽亭聚西俗謂

之平陽水南合豐鄉川水水出弘農豐鄉東山西南流逕豐鄉故城南

京相璠曰南鄉淅縣有故鄆鄉春秋所謂豐析也

於地理志屬弘農今屬南鄉

又西南合關柵水關柵水又南入上津注甲水甲水

又東南逕魏興郡之興晉縣南

晉武帝太康中立

甲水又東右入漢水漢水又東為龍淵

淵上有胡鼻山石類胡人鼻故也

下臨龍井渚淵深數丈漢水又東逕魏興郡之錫縣

故城北

今案此十四字改經為注戴趙同

為白石灘

縣故春秋之錫穴地也故屬漢中王莽之錫治也

縣有錫義山方圓百里形如城四面有門上有石

壇長十餘今案戴作數十趙作十數丈世傳列仙所居今有道

士被髮餌朮恆數十人山高谷深多生薇蕨草其

草有風不偃無風獨搖

漢水又東逕長利谷南

入谷有長利故城舊縣也

漢水又東歷姚方

今案此七字改經為注戴趙同

蓋舜後枝居是處故地留姚稱也

又東過堵陽縣堵水出自上粉縣北流注之

堵陽即漢南陽之屬

縣也寰宇記云鄖鄉縣古錫穴縣東十里有兜牟山漢中郡與南陽郡分界處此是漢舊縣非唐初所置南豐州之堵陽也兩漢志無上粉縣疑是曹魏暫置而旋廢者寰宇記房陵縣有粉城因粉水為名疑即上粉縣故城此經文晚出之證○趙本引全氏校語○今案戴本自此節起別為一卷

堵水自今案戴建平郡界故亭谷東歷新城郡

郡故漢中之房陵縣也世祖建武元年封鄧晨為

侯國也今案戴無此字漢末以為房陵郡魏文帝合房陵

上庸西城立以為新城郡以孟達為太守治房陵

故縣有粉水縣居其上故曰上粉縣也

堵水之傍有別谿岸側土色鮮黃乃云可噉有言飲

此水者令人無病而壽豈其信乎

又有白馬山山石似馬望之逼真側水謂之白馬  
寨孟達為守登之而歎曰劉封申耽據金城千里  
而更失之乎為上堵吟音韻哀切有測人心今水  
次尚歌之

堵水又東北逕上庸郡

故庸國也春秋文公十六年楚人秦人巴人滅庸  
庸小國附楚楚有災不救舉羣蠻以叛故滅之以  
為縣屬漢中郡漢末又分為上庸郡城三面際水  
堵水又東逕方城亭南今案趙作而東北歷參山下而北

逕堵陽縣南北流注於漢謂之堵口漢水又東謂之  
澇灘冬則水淺而下多大石又東為淨灘夏水急盛  
川多湍洑行旅苦之故諺曰冬澇夏淨斷官使命言

二灘阻礙也今案戴無此字

又東過鄖鄉縣南

漢水又東逕鄖鄉縣南之西山

上有石蝦蟆倉卒看之與真不別山北有崖傍視  
之有一穴甚明號為星牖梓材案此十六字趙氏朱箋刊誤云据寰宇記

校補今依之今案戴本無

漢水又東逕鄖鄉縣故城南今案此十一字改謂之經為注戴趙同

鄖鄉灘

縣故黎也即長利之鄖鄉矣地理志曰有鄖關李奇以為鄖子國晉太康五年立以為縣

漢水又東逕琵琶谷口今案此九字改經為注戴趙同

梁益二州分境於此故謂之琵琶口今案戴趙也並作界

又東北流又屈東南過武當縣東北

縣西北四十里漢水中有洲名滄浪洲

庚仲雍漢水記謂之干齡洲非也是世俗語訛音

與字變矣地說曰水出荆水東南流為滄浪之水

是近楚都故漁父歌曰滄浪之水清兮可以濯我

纓滄浪之水濁矣可以濯我足余案尚書禹貢言

導漾水東流為漢又東為滄浪之水不言過而言

為者明非他水決入也蓋漢沔水自有滄浪通

稱耳纏絡鄖郢地連紀都咸楚都矣漁文歌之不

違水地考案經傳宜以尚書為正耳

漢水又東為恨子潭今案此八字改經為注戴趙同

潭中有石磧洲長六十丈廣十八丈世亦以此洲

為恨子葬父於斯故潭得厥目焉所未詳也

漢水又東南逕武當縣故城北今案此十二字改經為注戴趙同

世祖封鄧晨子堂今案戴作棠為侯國內有一碑文字

磨滅不可復識俗相傳言是華君銘亦不詳華君何代之士

漢水又東平陽川水注之

今案此十字改經為注戴趙同

水出縣北

伏親山南歷平陽川逕平陽故城下又南流注于沔

沔水又東南逕武當縣故城東又東曾水注之

今案此十字

八字改經為注戴趙同

水導源縣南武當山

一曰太和山亦曰參上山山形特秀又曰仙室荆

州圖副記曰山形特秀異於眾嶽峯首狀博山香

爐亭亭遠出藥食延年者萃焉晉咸和中歷陽謝

允舍羅邑宰隱遯斯山故亦曰謝羅山焉

今案趙無此字

曾水發源山麓逕越山陰東北流注於沔謂之曾口

沔水又東逕龍巢山下

今案此九字改經為注戴趙同

山在沔水中高十五丈廣員一里二百三十步山

形峻峭其上秀林茂木隆冬不凋

又東南逕涉都城東北

今案戴本逕作過城作縣以此九字為經

故鄉名也案郡國志筑陽縣有涉都鄉者也漢武

帝元封元年封玄海守降侯子嘉為侯國

均水于縣入沔謂之均口也

別見洵水篇

又東南過鄧縣

之西南

今案此九字戴趙均作經當依

縣治故城南臨沔水謂之鄧頭漢高帝五年封蕭

何爲侯國也薛瓚曰今南鄉鄧頭是也茂陵書曰在南陽王莽更名南庚者也

又南過穀城東又南過陰縣之西

泗水東逕穀城南而不逕其東矣

城在穀城山上春秋穀伯綏之邑也墉闕頽毀基塹亦存

泗水又東南逕陰縣故城西

故下陰也春秋昭公十一年楚工尹赤遷陰於下

陰是也縣東有冢今案趙無此字縣令濟南劉熹字德怡

晉魏時宰縣雅好博古教學立碑載生徒百有餘人

山不終業而夭者因葬其地號曰生墳

泗水又東南得洛谿口今案此九字改經爲注戴趙同水出縣西北

集池陂東南流逕洛陽城北枕洛谿谿水東南注泗

水也

又南過筑陽縣東筑水出自房陵縣東過其縣南流注

之

泗水又南汎水注之水出梁州閬陽縣

魏遣夏侯淵與張郃下巴西進軍宕渠劉備軍汎

口卽是水所出也張飛自別道襲張郃於此水郃

敗棄馬升山走還漢中

泚水又東逕巴西歷巴渠北新城上庸東逕泚陽縣故城南

晉分筑陽立

自縣以上山深水急枉渚崩湍水陸逕絕又東逕學

城南今案此六字改經為注戴趙同

梁州大路所由也舊說昔者有人立學都於此值世荒亂生徒罔依遂共立城以禦難故城得厥名矣

泚水又東流注于沔謂之泚口也沔水又南逕關林山東

本郡陸道之所由山東有二碑其一即記闕林山文曰君國者不躋高堙下先時或斷山岡以通平東道民多病守長冠軍張仲瑜乃與邦人築斷故山陸道作此銘其一郭先生碑先生名輔字甫成有孝友悅學之美其女為立碑於此並無年號皆不知何代人也

沔水又南逕筑陽縣東今案此九字改經為注戴趙同又南筑水注

之杜預以為彭水也水出梁州新城郡魏昌縣界

縣以黃初中分房陵立

筑水東南流逕筑陽縣

水中有孤石挺出其下澄潭時有見此石根如竹根而黃色見者多凶相與號為承受石所未詳也

筑水又東逕筑陽縣故城南

縣故楚附庸也秦平鄢郢立以為縣王莽更名之

曰宜禾也建武元年世祖封吳盱為侯國趙一清曰據後

漢書吳漢得盱封在二十八年

筑水又東流注於沔謂之筑口沔水又南逕高亭山

東

山有靈焉士民奉之所請有驗

沔水又東為漆灘今按此七字改其一曰沔關山

經為注戴趙同

新野郡山都縣與順陽筑陽分界于斯灘矣水

又東過山都縣東北今按此句戴趙並作經當依

沔南有固城城側沔川即新野山都縣治也舊南

陽之赤鄉矣秦以為縣漢高后四年封衛將軍王

恬啟為侯國沔北有和城即郡國志所謂武當縣

之和城聚山都縣舊嘗治此故亦謂是處為故縣

灘沔水北岸數里有大石激名曰五女激或言女

父為人所害居固城五女思復父怨故立激以攻

城城北今淪於水亦曰有人葬沔北墓宅將為水

毀其人五女無男皆悉巨富其修此激以全墳宅



然激作甚工又云女嫁為今案趙陰縣恨子婦今

趙無此字家貲萬金而自少小不從父語父臨亡意欲

葬山上恐兒不從故倒今案趙作命言葬我著渚下石

積上恨子曰吾由來不奉教今從語遂盡散家財

作石冢積土繞之成一洲長數百步元康中始為

水作壞今石皆如半榻許數百枚聚在水中恨子

是前漢人襄陽太守胡烈有惠化補塞堤決民賴

其利景元四年九月百姓刊石銘之樹碑於此

沔水又東偏淺冬月可涉渡謂之交湖

兵戎之交多自此濟晉太康中得鳴石於此水撞

之聲聞數里

沔水又東逕樂山北

今案此八字改經為注戴趙同

昔諸葛亮好為梁甫吟每所登遊故俗以樂山為

名

沔水又東逕隆中

今案此七字改經為注戴趙同

亮語劉禪云先帝三顧臣於草廬之中咨臣以當

世之事即此宅也車騎沛國劉季和之鎮襄陽也

與樊為人李安其觀此宅命安作宅銘曰天子命

我於沔之陽聽鼓鞞而永思庶先哲之遺光後六

十餘年永平之五年習鑿齒又為其宅銘焉今案戴本

連下又東過襄陽縣北至  
但今不知所在矣為一卷

水經注第三十三終 後學王梓材錄董沛重校

水經注第三十四 范陽酈道元注 鄞全祖望校

布政使銜浙江甯紹台兵備道無錫薛福成校刊

又北沔水二

又東過襄陽縣北 今按句首趙有沔水二字

沔水又東逕萬 今按趙作方而山北以為傳寫之誤

山上有鄒恢碑 沈炳異曰晉書鄒恢鎮襄陽得民和鄒恢疑是鄒恢之誤 魯宗

之所立也山下潭中有杜元凱碑元凱好尚後名

作兩碑並述已功一碑沈之峴山水中一碑下之

於此潭曰百年之後何知不深谷為陵也山水

曲之隈云漢女昔遊處也故張衡南都賦曰遊女

弄珠于漢皋之曲漢皋即萬山之異名也

沔水又東合檀谿水

今按此入字改經為注戴趙同

水出縣西柳子

山下東為鴨湖湖在馬鞍山東北

武陵王愛其峰秀改曰望楚山

谿水自湖兩分北渠即谿水所導也北逕漢陰臺西

臨流望遠按眺農圃情逸灌蔬意寄漢陰故因名

臺矣

又北逕檀谿謂之檀谿水

水側有沙門釋道安寺即谿之名以表寺目也谿

之陽有徐元直崔州平故宅悉人居故習鑿齒與

謝安書云每省家舅縱目檀谿念崔徐之交未嘗  
不撫膺躊躇惆悵終日矣

谿水傍城北注

昔劉備為景升所謀乘的顛馬西走墜於斯谿

西去城里餘北流注于沔一水東南出應劭曰城在

襄水之陽故曰襄陽也是水當即襄水也

城北枕沔水即襄陽縣之故城也王莽之相陽矣

楚之北津戍也今大城西壘是也其上古鄆都盧

羅之地秦滅楚置南郡號此為北部焉

今按戴建無此字

安十三年魏武平荊州分南郡立為襄陽郡荊州

刺史治邑居殷賑冠蓋相望一都之會也城南門道東有三碑一碑是晉太傅羊祜碑一碑是鎮南將軍杜預碑一碑是安南將軍劉儼碑並是學生所立城東門外二百步劉表墓太康中爲人所發見表夫妻其尸儼然顏色不異猶如平生墓中香氣遠聞三四里經月不歇今墳冢及祠堂猶高顯整頓城北枕沔水水中常苦蛟害襄陽太守鄧遐負其氣果拔劍入水蛟繞其足遐揮劍斬蛟血流丹水自後患除無復蛟難矣昔張公遇害亦亡劍於是水後雷氏爲建安從事逕踐瀨谿所留之劍

忽於其懷躍出落水初猶是劍後變爲龍故吳均

劍騎詩云劍是兩蛟龍張華之言不孤爲驗矣周

曰茂先遇害在雅安得亡劍沔流考雷次宗豫章記曰張公遇害劍飛入襄城水中郡國志曰南郡在雒陽南千五百里有襄陽縣潁州在雒陽東南五百里有襄城縣酈氏誤以襄城水爲襄陽水也何焯云道元與均同時安得引用其詩疑此書後人附益者多矣

沔水又逕平魯城南今按此八字改經爲注戴趙同

城魯宗之所築也故城得厥名矣城係宗之所築然則何以云平

魯也或是宗之北奔後劉宋以此名之

東對樊城

仲山甫所封也仲山甫所封之樊在河內所謂陽樊者也非此樊也此城因樊山爲

名漢晉春秋稱桓帝幸樊城百姓莫不觀有一老父獨耕不輟議郎張溫使問焉父笑而不答溫因與之言問其姓名不告而去城周四里南半淪水建安中關羽圍于禁於此城會泗水泛溢三丈有餘城陷禁降龐德奮劍乘舟投命於東岡魏武曰吾知于禁三十餘載至臨危受命更不如龐德矣城西南有曹仁記水碑杜元凱重刊其後書伐吳之事也

又從縣東屈西南消水從北來注之

別見消水篇

襄陽城東有東白沙白沙北有三洲東北有宛口即

消水所入也泗水中有魚梁洲

今按此七字改經為注戴趙同

龐德公所居士元居漢之陰在南白沙世故謂是地為白沙曲矣司馬德操宅洲之陽望衡對宇懽情自接泛舟褰裳率爾休暢豈待還桂柁於千里貢深心於永思哉水南有層臺號曰景升臺蓋劉表治襄陽之所築也言表盛遊於此常所止憇表性好鷹嘗登此臺歌野鷹來曲其聲韻似孟達上堵吟矣

泗水又逕桃林亭東

今按此入字改經為注戴趙同

又逕峴山東

山上有桓宣所築城孫堅死於此又有桓宣碑羊

全宋文卷之九  
名  
四  
祐之鎮襄陽也與鄒潤甫嘗登之及祐薨後人立  
碑於故處望者悲感杜元凱謂之墮淚碑山上又  
有征南將軍胡羆碑又有征西將軍周訪碑山下  
水中杜元凱沈碑處

沔水又東南逕蔡洲

今按此八字改  
經爲注戴趙同

漢長水校尉蔡瑁居之故名蔡洲

洲東岸西有洄湖停水數十畝長數里廣減百步水

色常淥

今按戴  
作綠

楊儀居上洄楊顛居下洄與蔡洲相對在峴山南  
廣昌里

又與襄陽湖水合水上承鴨湖東南流逕峴山西又  
東南流注白馬陂水又東入侍中襄陽侯習郁魚池  
郁依范蠡養魚法作大陂陂長六十步廣四十步  
池中起釣臺池北亭郁墓所在也列植松篁於池  
側沔水上郁所居也又作石湫逗引大池水於宅  
北作小魚池池長七十步廣二十步西枕大道東  
北二邊限以高隄楸竹夾植蓮芡覆水是遊宴之  
名處也山季倫之鎮襄陽每臨此池未嘗不大醉  
而還恆言此是我高陽池故時人爲之歌曰山公  
出何去往至高陽池日暮倒載歸酩酊無所知

其水下入沔

沔水西又有孝子墓河南秦氏性至孝事親無倦親沒之後負土成墳常泣血墓側人有咏蓼莪者氏為泣涕悲不自勝於墓所得病不能食虎常乳之百餘日卒今林木幽茂號曰孝子墓也其南有蔡瑁冢冢前刻石為大鹿狀甚大頭高九尺制作甚工

沔水又東南逕邑城北

今按此九字改經為注戴趙同

習郁襄陽侯之封邑也故曰邑城矣

沔水又東合洞口

今按此七字改經為注戴趙同

水出安昌縣故城

東北大父山西南流謂之白水又南逕安昌故城東屈逕其縣南

縣故蔡陽之白水鄉也漢元帝以長沙卑濕分白水上唐二鄉為春陵縣光武即帝位改為章陵縣置園廟焉魏黃初二年更從今名故義陽郡治也白水又西南流而左會昆水水導源城東南小山西流逕金山北又西南流逕縣南西流注于白水水北有白水陂

其陽有漢光武故宅基址存焉所謂白水鄉也蘇伯阿望氣處也光武之征秦豐幸舊邑置酒極懽

張平子以為真人南巡觀舊里焉東觀漢記曰明  
帝幸南陽祀舊宅召校官子弟作雅樂奏鹿鳴上  
自御墳箴和之以娛賓又於此宅矣

白水又西合澧水水出於襄鄉縣東北陽中山西逕  
襄鄉縣之故城北

按郡國志是南陽之屬縣也

澧水又西逕蔡陽縣故城東西南流注于白水又西  
逕其城南

建武十六年世祖封城陽王祉世子本為侯國沈炳

異曰范史是十三年封應劭曰蔡水出蔡陽東入

淮今於此城南更無別水唯是水可以當之川流  
西注苦其不東且淮源阻礙山河無相入之理蓋  
應氏之誤耳

洞水又西南流注于沔水

又東過中廬縣東淮今按戴作維下同水自房陵縣淮山東流

注之

縣即春秋廬戎之國也

縣故城南有水出西山

山有石穴出馬謂之馬穴山漢時有數百匹馬出  
其中馬形小似巴滇馬三國時陸遜攻襄陽於此



穴又得馬數十匹送建業蜀使至有家在滇池者

識其馬毛色云其父所乘馬對之流涕

其水東流一今按戴無此字百四十里逕城南名曰浴馬港

言初得此馬洗之於此因以名之亦云乘出河次

浴之又曰洗馬廐渡河宿處名之曰騎亭

然候水諸蠻北過是水南壅淮今按戴作維川以周田漑

下流入河河水東南流逕黎今按戴作犁下同邱故城西今按

此十一字改經為注戴趙同

其城下對繕洲今按戴作州秦豐居之故更名秦洲王莽之敗也秦豐阻兵於黎邱黎邱城在觀城西二

里建武三年光武遣征南岑彭擊豐四年朱祐自觀城擒豐於黎邱是也

河水又南與疎水合水出中廬縣西南東流至邛縣北界東入河水謂之疎口也

水中有物如三四歲小兒鱗甲如鯪鯉射之不可入七八月中好在磧上自曝膝頭如虎掌爪常沒水中出膝頭小兒不知欲取弄戲便殺人或曰人有生得者摘其皋厭可以小使今按戴作可小小使名為水虎者也

又南過邛縣東北今按此七字戴趙作經當依

沔水之左有騎城周迴二里餘高一丈六尺即騎亭也縣故楚邑也秦以為縣漢高帝十一年封黃極忠為侯國縣南有黃家墓墓前有雙石闕彫制甚工俗謂之黃公闕黃公名尚為漢司徒

沔水又東逕豬蘭橋

橋本名木蘭橋橋之左右豐蒿荻於橋東劉季和大養豬襄陽太守曰沈炳異曰當作襄陽太守劉季和於橋東大養豬方合劉宏晉陽秋字叔和襄陽者舊傳作季此中作豬屎和晉書本傳又云字和季疑為非也臭可易名豬蘭橋百姓遂以為名矣橋北有習郁宅宅側有魚池池不假功自然通洫長六七十步

廣十丈常出名魚

沔水又南得木里水會今按此九字改經為注戴趙同楚時于宜城東穿渠上口去城三里漢南郡太守王寵又鑿之引蠻水灌田謂之木里溝逕宜城東而東北入于沔謂之木里水口也

又南過宜城縣東夷水出自房陵縣今按戴東流注之此別是一夷水非江水篇夷水

夷水蠻水也桓温父名彝改曰蠻水夷水導源中廬縣界康狼山

山與荆山相鄰

其水東南流歷宜城西山謂之夷谿又東南逕羅川城

故羅國也

又謂之鄢水

春秋所謂楚人伐羅渡鄢者也

夷水又東南流與零水合零水即泝水也上通梁州

沒今按趙陽縣之默城山

司馬懿出沮之所由

其水東逕新城郡之泝鄉縣

縣分房陵立

謂之泝水又東歷幹鄉謂之幹水

晉武帝平吳割臨沮之北鄉中廬之南鄉立上黃

縣治幹鄉

泝水又東歷宜城西山謂之泝谿東流合于夷水謂

之泝口也與夷水亂流東出謂之淇水逕蠻城南

城在宜城南三十里春秋莫敖自羅敗退及鄢亂

次以濟淇水是也

夷水又東注于沔

昔白起攻楚引西山長谷水即是水也舊塌去城

一今按戴百許里水從城西灌城東入注為淵今

熨斗陂是也水潰城東北角百姓隨水流死於城東者數十萬城東皆臭因名其陂為臭池後人因其渠流以結陂田城西陂謂之新陂覆地數十頃西北又為土門陂從平路渠以北木蘭橋以南西極土門山東跨大道水流周通其水自新陂東入城城故鄢郢之舊都秦以為縣漢惠帝三年改曰宜城

其水歷大城中逕漢南陽太守秦頡墓北

墓前有二碑頡都人也以江夏都尉出為南陽太守

都尉非京朝官何以云逕宜城中見一家東向

頡住車視之曰此居處可作冢後卒於南陽喪還

至昔住車處車不肯進故吏為市此宅葬之孤墳

尚整今按趙本此下有冢前有城南有宋玉宅玉

邑人雋才辯給善屬文而識音也

其水又逕金城前

縣南門有古碑猶存

其水又東出城東注臭池臭池溉田陂水散流又入朱湖陂朱湖陂亦下灌諸田餘水又下入木里溝木里溝是漢南郡太守王寵所鑿故渠引鄢水也灌田七百頃白起渠溉三千頃膏良肥美更為沃壤也

縣有太山山下有廟漢末名士居其中刺史二千石卿長數十人朱軒華蓋同會於廟下荆州刺史行部見之雅歎其盛號為冠蓋里而刻石銘之此碑於永嘉中始為人所毀其餘文尚有可傳者其辭曰峩峩南岳烈烈離明實敷儁乂君子以生惟此君子作漢之英德為龍光聲化鶴鳴此山建安三年崩聲聞五六十里雉皆屋雒縣人惡之以問侍中龐季季今按趙本脫一季字云山崩川竭國土將亡之占也十三年魏武平荆州沔南彫散今按此九字改經為注戴趙同沔水又逕都縣故城南

古都子之國也秦楚之間自商密遷此為楚附庸楚滅之以為邑縣南臨沔津津南有石山上有古烽火臺縣北有大城楚昭王為吳所迫自紀郢徙都之即今按此字趙在楚昭王上所謂鄢郢盧羅之地也秦以為縣

沔水又東敖水注之今按此八字改經為注戴趙同水出新市縣東北又西南逕太陽山西南流逕新市縣北又西南而右合枝水水出大洪山而西南流逕襄陽郡縣界西南逕狄城東南左注敖水敖水又西南流注于沔是今按戴作寔曰敖口沔水又南逕石城西

城因山為固晉太傅羊祜鎮荊州立晉惠帝元康

九年分江夏西部置竟陵郡治此

沔水又東南與白水合今按此九字改經為注戴趙同水出竟陵縣

東北聊屈山

一名盧屈山

西流注于沔

魯定公四年吳師入郢昭王奔隨濟于成白謂是

水音也

又東過荆城東今按此六字改注為經戴趙同

沔水自荆城東南流逕當陽縣之章山東今按此十六字改經

為注戴趙同

山上有故城太尉陶侃伐杜曾所築也

禹貢所謂內方至于大別者也既濱帶沔流實會尚

書之文矣沔水又東右會權口今按此九字改經為注戴趙同水出

章山東南流逕權城北

古之權國也春秋魯莊公十八年楚武王克權權

叛圍而殺之遷權於那處是也東南有那口城

權水又東入于沔沔水又東南與揚口合今按此九字改經為

注戴趙同水上承江陵縣赤湖江陵西北有紀南城

楚文王自丹陽徙此平王城之班固言楚之郢都

也 沈炳異曰荆州記云昭王十年吳通漳水灌紀南城決赤湖進灌郢城是紀南城郢城為二也

城西南有赤坂岡岡下有瀆水東北流入城名曰子

胥瀆

蓋吳師入郢所開也謂之西京湖

又東北出城西南注于龍陂陂古天井水也廣圓二

百餘步在靈谿東江隄內水至淵深有龍見于其中

故曰龍陂

西陂北有楚莊王釣臺高三丈四尺南北六丈東西

九丈

陂水又逕郢城南東北流謂之揚水又東北路白湖

水注之湖在大港北港南曰中湖南隄下曰昏官湖

三湖合為一水東通荒谷

荒谷東岸有冶父城春秋傳曰莫敖縊于荒谷羣

帥囚於冶父謂此處也

春夏水盛則南通大江否則南迄江隄北逕方城西

方城即南蠻府也又北與三湖會故盛弘之曰南蠻

府東有三湖源同一水蓋徙治西府也宋元嘉中通

路白湖下注揚水以廣運漕 今按此二字揚水又東歷

天井北

井在方城北里餘廣圓二里其深不測井有潛室

見輒兵西岸有天井臺因基舊隄臨際水湄遊憩之佳處也

揚水又東北流東得赤湖水口湖周五十里城下陂池皆來會同

湖東北有大暑臺高六丈餘縱廣八丈一名清暑臺秀宇層明通望周博遊者登之以暢遠情

揚水又東入華容縣有靈谿水西通赤湖水口已下多湖周五十里城下波池皆來會同又有子胥瀆

蓋入郢所開也

水東入離湖湖在縣東七十五里

國語所謂楚靈王闕為石郭陂漢以象帝舜者也湖側有章華臺臺高十丈基廣十五丈左邱明曰楚築臺于章華之上韋昭以為章華亦地名也王與伍舉登之舉曰臺高不過望國之氛祥大不過容宴之俎豆蓋譏其奢而諫其失也有誤文。梓材按趙本引全氏曰下言此瀆靈王立臺之日漕運所由也其水北流注于揚水揚水又東北與柞谿水合水出江陵縣北蓋諸池散流咸所會合積以成川東流逕魯宗之壘南

當驛路水上有大橋隆安三年桓玄襲殷仲堪于



江陵仲堪北奔縊於此橋

柞谿又東注船官湖湖水又東北入女觀湖湖水又

東入于揚水揚水又北逕竟陵縣西又北納巾吐柘

柘水即下揚水也巾水出縣東一今按戴無此字百九十里

西逕巾城下今按戴無此字

城下置巾水戍晉元熙二年竟陵郡上今按戴無此字巾

水戍山今按戴無此字得銅鐘七口言之上府

巾水又西逕竟陵縣北西注揚水謂之巾口

水西有古竟陵大城古郢國也郢公辛所治所謂  
鄭鄉矣昔白起拔郢東至竟陵即此也秦以為縣

王莽之守平矣世祖建武十三年更封劉隆為侯

國

城傍有甘魚陂

左傳昭公十三年公子黑肱為令尹次于魚陂者  
也

揚水又北注于沔謂之揚口中夏口也

曹太祖之追劉備於當陽也張飛按矛於長坂備

得與數騎斜今按趙作邪趣漢津遂濟夏口是也

沔水又東得澹口其水承大澹馬骨諸湖水周三四

百里及其夏水來同浩今按戴作渺若滄海洪潭巨浪縈

連江沔故郭景純江賦云其傍則有朱漣丹瀨是也

又東南過江夏雲杜縣東夏水從西來注之別見夏水篇

卽賭今按戴口也賭口晉書甘卓傳作豬口胡三省

按趙本引全氏曰按夏水決入之地曰賭口非有賭

水者也而記又引荆州圖副及盛弘之說則亦不以

爲有水名賭也又朱箋刊誤引全氏云若爲中夏水

作堵口則是堵水之口非矣互見夏水篇爲中夏水

縣故邳亭左傳所謂

禹貢所謂雲土夢作又故縣取名焉縣有雲夢城

城在東北

沔水又東逕左桑今按此七字改昔周昭王南征船人膠舟以進之昭王渡沔中流

而沒死於是水齊楚之會齊侯曰昭王南征而不

復寡人是問屈完曰君其問諸水濱庾仲雍言村

老云百姓佐昭王喪事於此成禮而行故曰佐喪

左桑字失體耳

沔水又東合巨亮水口今按此九字改水北承巨亮

湖南達于沔沔水又東得合驛口今按此八字改

庾仲雍言須導村耆舊云朝廷驛使合王喪於是

因以名焉今須導村正有大歛口言昭王於此殯

歛矣

沔水又東謂之橫桑今按此八字改

言得昭王喪處也

沔水又東謂之鄭公今按趙無此字潭今按此二句改經為注戴趙同

言鄭武公與王同溺水於是余謂世數既懸為不

近情矣斯乃楚之鄭鄉守邑大夫僭言公故世以

為鄭公潭耳同死者是蔡公此或以鄭丹遺愛得名

沔水又東得死沔今按此七字改經為注戴趙同

言昭王濟沔自是死今按趙有沔字故有死沔之稱王尸

豈逆流乎但千古茫昧難以昭知推其事類似是

而非矣死沔之類亦如死汝死過死沙死穀之類皆水之枯者

沔水又東與力口合今按此八字改經為注戴趙同有滙水出竟陵

郡新陽縣西南池河今按趙作河地而辨之戴作池河是依趙改者山東流

逕新陽縣南

縣治雲杜故城分雲杜立

滙水又東南流注宵城縣南大湖又南入于沔水是

曰力口沔水又東南澗水入焉今按此九字改經為注戴趙同海水

又東逕沌水口水南通沔陽今按戴無此二字縣之太白湖

湖水東南通江又謂之沌口沔水又東逕沔陽縣北

今按此九字改經為注戴趙同處沌水之陽也沔水又東逕林今按戴作臨

嶂故城北

晉建興二年太尉陶侃為荊州鎮此也

又南至江夏沙羨縣北南入于江

庾仲雍曰夏口一曰沔口矣尚書禹貢云漢水南至大別入江春秋左傳定公四年吳師伐郢楚子常濟漢而陳自小別至于大別京相璠春秋土地名曰大別漢東山名也在安豐縣南杜預釋地曰二別近漢之名無緣乃在安豐也案地說言漢水東行觸大別之坂南與江合則與尚書杜預相符但今不知所在矣

沔水與江合流又東過彭蠡澤

今按戴本自此條始別為一卷

尚書禹貢匯澤也鄭立曰匯回也漢與江鬪轉東成

其澤矣又東北出居巢縣南

今按此入字戴趙作經當依

古巢國也湯伐桀桀奔南巢即巢澤也尚書周有巢伯來朝春秋文公十二年夏楚人圍巢巢羣舒國也舒叛故圍之永平元年漢明帝更封菑邱侯劉般為侯國也

江水自濡須口又東左會柵口水導巢湖東逕烏上城北又東逕南譙僑郡城南又東絕塘逕附農山北又東左會清谿水水出東北馬子峴今按戴作硯之清谿也東逕清谿城南屈而西南流今按戴無此字歷山西南流注柵水謂之清谿口柵水又東左會白石山水水發

白石山西逕李鵲城南西南今按趙注柵水柵水又

東南積而為竇湖中有洲湖東有韓縱山韓縱即韓綜吳將韓

當子事見吳書縱綜字通。趙本引全氏校語。今按戴徑改綜山上有城山北湖

水東出為後塘北湖湖南即塘也

城上有潁川僑郡故城也

竇湖水東出謂之竇湖口湖水今按戴無此二字東出今按戴無

此逕刺史山北歷韓縱山南逕流二山之間出王武

子城北

城在刺史山上

湖水又東逕右塘穴北為中塘塘在四水中水出格

虎山北

山上有虎山城有郭僧坎城水北有趙祖悅城並

故東關城也昔諸葛恪帥師作東興隄以過巢湖

傍山築城使將軍全端留略等各以千人守之魏

遣司馬昭督鎮東諸葛誕率眾攻東關三城將毀

隄遏諸軍作浮梁陳於隄上分兵攻城恪遣冠軍

丁奉等登塘鼓譟奮擊朱異等以水軍攻浮梁魏

征東胡遵軍士爭渡梁壞投水而死者數千塘即

東興隄城亦關城也

柵水又東南逕高江產城南胡景略城北又東南逕

張祖禧城南東南流屈而北逕鄭衛尉城西

魏事已久難用取悉推舊訪新略究如此

又北委折蒲浦出焉柵水又東南流注于大江謂之

柵水今按戴口無此字

又東過牛渚縣南又東至石城縣

經所謂石城縣者即宣城郡之石城縣也牛渚在姑

孰烏江兩縣界中于石城東北減五百許里安得逕

牛渚而方屈石城也蓋經之謬誤也

分爲二其一東北流其一今按戴本注云此二字當又在東至會稽餘姚縣之上

過毗陵縣北爲北江

地理志毗陵縣今按趙有舊字會稽之屬縣也丹徒縣北

二百步有故城本毗陵郡治也舊去江三里岸稍

毀遂至城下城北有揚州刺史劉繇墓淪于江

江即北江也經書爲北江今按此三字趙作在北二字則可又言

東至餘姚則非考其逕流知經之誤也地理志曰江

水自石城東出逕吳國南爲南江胡渭曰按志以分

繫吳縣至道元始貫穿爲一條江水自石城東入爲貴口東逕石城

縣北

晉太康元年立今按趙無此字隸宣城郡

東合大谿谿水首受江北逕其縣故城東又北入南

江南江又東與貴長池水合今按此十字改經為注戴趙同水出縣

南朗山北流為貴長池池水又北注于南江南江又

東逕宣城之臨城縣南今按此十二字改經為注戴趙同又東合注

今按戴涇水南江又東與桐水合今按此八字改無此字又

東逕安吳縣號曰安吳谿又東旋谿水注之水出陵

陽山下逕陵陽縣西為旋谿水

昔銓今按戴無此字縣人陵今按戴無此字陽子明釣得白龍處

後三年龍迎子明上陵陽山山去地千餘丈後百

餘年呼山下人令上山半與語谿中子安問子明

釣車所在後二十年子安死山下有黃鶴棲其冢

樹鳴常呼子安故縣取名焉晉咸康四年改曰廣

陽縣

溪水又北合東谿水水出南里山北逕其縣東桑欽

曰淮水出縣之東南北入大江按漢志丹陽郡陵陽縣下亦引桑欽語今

宣城人呼為小淮水乃東壩之上游也其水又北歷蜀由又北左合旋

谿北逕安吳縣東

晉太康元年分宛陵立

縣南有落星山山有懸水五十餘丈下為深潭潭水

東北流左入旋谿而同注南江

江之北即宛陵縣界也今按戴本江之上有南字

南江又東逕寧國縣南今按此九字改經為注戴趙同

晉太康元年分宛陵置

南江又東逕故鄣縣南安吉縣北

光和之末天下大亂此鄉保險守節漢朝嘉之中

平二年分故鄣之南鄉以為安吉縣

縣南有釣頭泉懸湧一仞乃流于川川水下合南江

南江又東北為長瀆歷湖口今按此十一字改南江經為注戴趙同

東注于具區謂之五湖口五湖謂長蕩湖太湖射湖

費湖瀾湖也按虞翻說無長蕩湖有洮湖謂長蕩即洮也韋昭說則以為胥湖蠡湖洮湖瀾湖與太湖而為五其謂五湖祇一太湖者張勃吳錄也朱長文續吳郡圖經曰道元謂長蕩湖費湖上湖

瀾湖與太湖而為五蓋以射湖已與費湖合也抑或

所見之本異耶吳志云貢湖游湖楊梁湖金鼎湖胥

湖其名皆出於近代也今吳郭景純江賦曰注五湖

中人又謂射費湖即上湖以漫漭蓋言江水經緯五湖而苞注太湖也是以左

邱明述國語曰越伐吳戰于五湖是也又云范蠡滅

吳返至五湖而辭越斯乃太湖之兼攝通稱也虞翻

曰是湖有五道故曰五湖韋昭曰五湖今太湖也尚

書謂之震澤爾雅以為具區方圓五百里湖有苞山

春秋謂之夫椒山有洞室入地潛行北通瑯琊東武

縣俗謂之洞庭旁有青山一名夏架山山有洞穴潛

通洞庭山上有石鼓長丈餘鳴則有兵故吳記曰太



湖有苞山在國西百餘里居者數百家出弓弩材旁  
有小山山有石穴南通洞庭深遠莫知所極三苗之  
國左洞庭右彭蠡今宮亭湖以太湖之洞庭對彭  
蠡則左右可知也余按二湖俱以洞庭為目者亦分  
為左右也但以趣矚為方耳既據三苗宜以湘江為  
正是以郭景純之江賦云爰有包山洞庭巴陵地道  
潛達傍通幽岫窈窕山海經曰浮玉之山北望具區  
苕水出于其陰北流注于具區謝康樂云山海經浮  
玉之山在句餘東五百里便是句餘縣之東山乃應  
入海句餘今按趙作具區而辨之今在餘姚鳥道山西北何由

北望具區也以為郭于地理甚昧矣

是蓋以南江當具區然則其川

三江而說者又以此水當之何也

言洞庭南口有羅浮山山高三千

六百丈浮山東石樓下有兩石鼓扣之清越所謂神

鉦者也事備羅浮山記會稽山宜直湖南又有山陰

谿水入焉山陰縣

今按戴無此字

西四十里有二谿東谿廣

一丈九尺冬煖夏冷西谿廣三丈五尺冬冷夏煖二

谿北出行三里至徐村合成一谿廣五丈餘而温涼

又雜蓋山海經所謂苕水也北逕羅浮山而下注于

太湖故言出其陰入于具區也湖中有大雷小雷三

山亦謂之三山湖又謂之洞庭湖楊泉五湖賦曰頭

首無錫足蹠松江負鳥程于背上懷太吳以當胸岸  
 粵崔嵬穹窿紆曲大雷小雷湍波相逐用言湖之苞  
 極也太湖之東吳國西十八里有峯嶺山俗說此山  
 本在太湖中禹治水移進近吳又東及西南有兩小  
 山皆有石如卷竿俗云禹所用今按趙牽山也太湖  
 中有淺地長老云是竿嶺山蹠自此以東差深言是  
 牽山之溝此山去太湖三十餘里自潛通瑯琊以下皆襲山海經無稽之言而更東則松江出焉今按此六字改上承太湖  
 廣為傳會經為注戴趙同更逕笠澤在吳南松江左右也國語曰越伐吳吳禦  
 之笠澤越軍江南吳軍江北者也虞氏曰松江北去

吳國南五十里

江側有丞胥二山山各有廟魯哀公十三年越使  
 二大夫疇無餘謳陽等伐吳吳人敗之獲二大夫  
 大夫死故立廟於山上號曰丞胥二王也胥山上  
 今有壇石長老云胥神所治也下有九折路南出  
 太湖闔閭造以遊姑胥之臺以望太湖也

松江自湖東北流逕七十里江水岐分謂之三江口

今按此九字改經為注戴趙同惟岐分趙作奇分。胡渭曰南江既入太湖而東為松江則無更從餘姚入海之理道元曲為此說以應漢志南江在南之文吳越春秋稱范蠡去越乘舟出三江之口入五湖之中者也此亦別為三江五

湖雖名今按趙無此字稱相亂不與職方同庾仲初揚都賦

注曰今太湖東注為松江下七十里有水口分流東

北入海為婁江東南入海為東江與松江而三此亦

禹貢之三江也梓材按趙氏朱箋刊誤云續吳郡圖經引此文而三下有此禹貢之三江

七字今校補。今按戴本未補。吳記曰一江東南行七十里入小湖

為次谿自湖東南出謂之谷水今按趙有吳記曰三字谷水出

吳小湖逕由卷縣故城下

神異傳曰由卷縣秦時長水縣也始皇時縣有童

謠曰城門當有血城陷沒為湖有老嫗聞之憂懼

旦往窺城門門將今按戴作侍下同欲縛之嫗言其故嫗

去後門將殺犬以血塗門嫗又往見血走去不敢

顧忽有大水長欲沒縣主簿令幹入白令令見幹

曰何忽作魚幹又曰明府亦作魚遂乃淪陷為谷

矣因目長水城水曰谷水也吳記曰谷中有城故

由卷縣治也即吳之柴辟亭故就李鄉樵李之地

秦始皇惡其勢王令囚徒十餘萬人汗其土表以

汗惡名改曰囚卷亦曰由卷也吳黃龍三今按趙

辨之戴則年有嘉禾生卷縣改曰禾興後太子諱

和改為嘉興春秋之樵李城也

谷水又東南逕嘉興縣城西谷水又東南逕鹽官縣

故城南

舊吳漢昌都尉治晉太康中分嘉興立太康地道  
記吳有鹽官縣樂資九州志曰縣有秦延今按趙作逕

山秦始皇逕此美人死葬於山上山下有美人廟

谷水之右有馬罕今按戴作阜城故司鹽都尉城吳王

濞煮海為鹽於此縣也是以漢書地理志曰縣有

鹽官東出五十里有武原鄉故越地也秦于其地

置海鹽縣地理志曰縣故武原鄉也後縣淪為柘

湖又徙治武原鄉改曰武原縣王莽名之展武漢

安帝時武原之地又淪為湖今之當湖也後乃移

此縣南有秦望山秦始皇所登以望東海故山得  
其名焉

谷水于縣出為澉浦以通巨海

光熙元年有毛民三人集于縣蓋汎于風也

又東至會稽餘姚縣入于海

謝靈運云具區在餘暨今按趙作姚然則餘暨是餘姚之

別名也按餘暨今之蕭山也如今餘暨之南餘姚西

北浙江與浦陽江同會歸海但水名已殊非班固所

謂南江也郭景純曰三江者岷江松江浙江也然浙

江出南蠻中不與岷江同作者述誌多言江水至山

陰為浙江今南江枝分歷烏程縣南通餘杭縣胡謂

杭乃姚字之誤○今則與浙江合故闕駟十三州志

按戴依此徑改餘姚曰江水至會稽與浙江合浙江自臨平湖南通浦陽

江又于餘暨東合浦陽江自秦望分派東至餘姚縣

又為江也東與車箱水合水出車箱山乘高瀑布四

十餘丈雖有水旱而澍無增減江水又東逕黃橋下

今按此八字改經為注戴趙同

臨江有漢蜀郡太守黃昌宅橋本昌創建也昌為

州書佐妻遇賊相失後會於蜀復修舊好

江水又東逕赭山南

虞翻嘗登此山四望誠子孫可居江北世有祿位

居江南則不昌也然住江北者相繼代興時在江

南者輒多淪替仲翔之言為有徵矣

江水又逕官倉

倉即日南太守虞國舊宅號曰西虞以其兄光居

縣東故也是地即其雙鴈送故處

江水又東逕餘姚縣故城南今按此十一字改經為注戴趙同

縣城是吳將朱然所築今按趙有也字南臨江津北背巨

海夫子所謂滄海浩浩萬里之淵也縣西去會稽

一今按戴百四十里因其無此字句餘山以名縣

山在餘姚之南句章之北也

江水又東逕穴湖塘

湖水沃其一縣並為良疇矣

江水又東注于海今按此七字改是所謂三江者也

故子胥曰吳越之國三江環之民無所移矣但東南

地卑萬流所湊濤湖泛決觸地成川枝津交渠世家

分駁故川舊瀆難以取悉雖粗依縣地緝綜所纏亦

未必一得其實也

水經注第三十四終 後學王梓材錄董沛重校

水經注第三十五

范陽酈道元注

鄞全祖望校

布政使銜浙江甯紹台兵備道無錫薛福成校刊

漸江水

漸江水出三天子都顧祖禹曰大鄣山在績溪縣東六

里一名三王山祥符圖經云即三天子鄣山海經浙江

出三天子都水經因之蓋訛鄣為都秦置鄣郡以此山

名也郭璞曰三天子鄣山新安歙縣東今謂之玉山

浙水出其傍寰宇記曰大鄣山吳越于此分界葉夢得

避暑錄話曰水經謂漸江出三天子都取山海經為證

三天子都在彭澤西安得至此今錢塘江乃北江下流

雖自彭澤來蓋眾江所會不應獨取此一水予意漸字

即浙字水經誤分爲二名注引漢志浙江者是已今自

分水縣出桐廬號歙港者與衢婺之溪合而過富陽以

入大江自西來此江自東來皆會于錢塘按山海

經三天子鄣有三一曰在閩西海北即浙江之源也郭

全交水經注

卷三

漸江水

一

也一日在衡山即廬江之源也漢人以霍山為衡山所謂在彭澤者也一日在海中則不知其處說者曰匡廬是西郭徽是東北大郭葵之永陽亦有三天子郭是南郭其說當存而不論若石林謂但在彭澤則謬矣又謂錢塘乃北江下流來自彭澤是仍水經沔水篇以立文者然三天子郭雖有三而大郭則推浙江之源秦漢間人以為是取郡名為郭郡是彭澤所能爭也○趙本引全氏校語

山海經謂之浙江也地理志云水出丹陽黟縣南蠻

中按王應麟云唐盧潘引地理志作浙江出黟縣南率山東今觀是注所引則唐本為誤也而新安人作志乘以為山經之文有率山率水之目不知山經無此說山海經曰浙江出三天子都在其東郭景純曰出新安黟縣南蠻中此與漢志水經合當東漢時新安一帶山越居之班志謂之蠻夷今以蠻為率則誣甚矣率山率水不見他書太平御覽云率即歙耳亦混語也寰宇記始收其目而九域志仍不及焉以羅存齋程篁墩職志事尚不能辨正何也○趙本引全氏校語北逕其縣南

有博山山上有石特起十丈上峯若劍杪時有靈

鼓潛發正長臨縣以山鼓為候一鳴官長一年若

長雷發聲則官長不反今案戴作吉

浙江又北歷黟山

縣居山之陽故縣氏之漢成帝鴻嘉二年以為廣

德國封中山憲王孫雲客王于此晉太康中以為

廣德縣分隸宣成郡會稽陳業潔身清行遯跡此

山

浙江又北逕歙縣東與一小溪合水出縣東北翁山

西逕故城南又西南入浙江又東逕遂安縣南

溪廣二百步上立杭以相通水甚清深潭不掩鱗  
故名新定按新定見賀齊傳與沈約宋志合今誤作新安○今按戴趙並依改分歙  
縣立之晉太康中又改從今名

浙江又左合絕溪溪水出始新縣西東逕縣故城南  
為東西長溪溪有四十七瀨濬流驚急奔波聒天

孫權使賀齊討黥歙山賊賊固黥之林厯山山甚  
峻絕又工禁五兵齊以鐵杙椽山升出不意又今案

趙作人以白梃擊之氣禁不行遂用奇功平賊于是  
立始新之府于歙之華鄉按謝朓申據宋本作始新郡尉誤也始新縣名

非郡名沈炳異曰齊傳吳以齊為新都太守立府于始新則舊本以為始新之尉者始新之府也尉

字誤耳以是知宋本亦多不足信○今按戴趙並依改令齊守之後移出新  
亭晉太康元年改曰新安郡

溪水東注浙江浙江又東北逕建德縣南

縣北有烏山山下有廟廟在縣東七里廟渚有大  
石高十丈圍五尺水瀨濬激而能致雲雨

浙江又東逕壽昌縣南

自建德至此八十里中有十二瀨瀨皆峻險行旅  
所難縣南有孝子夏先墓先少喪二親負土成墓  
數年不勝哀卒

浙江又北逕新城縣桐溪水注之水出吳興郡於潛



縣北天目山

山極高峻崖嶺竦疊西臨峻今按趙作浚澗山上有霜

木皆是數百年樹謂之翔鳳林

東面有瀑布下注數畝深沼名曰浣龍池池水南流

逕縣西為縣之西溪溪水又東南與紫溪合水出縣

西百丈山

即潛山也

山水東南流名為紫溪中道夾水有紫色礫石石長

百餘丈望之如朝霞又名此水為赤瀨蓋以倒影在

水故也紫溪又東南流逕白石山之陰

山甚峻極北臨紫溪亦名廣陽山

按五字以吳越春秋注校增○

今案戴趙無此句又東南連山夾水兩峰交峙反項對石

往往相捍十餘里中積石磊砢相挾而上澗下白

沙細石狀若霜雪水木相映泉石爭暉名曰樓林

紫溪東南流逕桐廬縣東為桐溪

孫權藉溪之名以為縣目割富春之地立桐廬縣

自縣至於潛凡十有六瀨第二是嚴陵瀨瀨帶山

山下有一今案趙無此字石室漢光武帝時嚴子陵之所

居也故山及瀨皆即人姓名之山下有磐石周迴

十數丈交枕潭際蓋陵所遊也

桐溪又東北逕新城縣入浙江

縣故富春地孫權置後省并桐廬咸和九年復立

為縣按九年今本誤作元年以沈約宋志校改。今按戴趙竝依改。

浙江又東北入富陽縣

故富春也晉后名春改富陽也

東分為湖浦浙江又東北逕富春縣南

縣故王莽之誅歲也江南有山孫武皇之先所葬

也漢末墓上有光如雲氣屬天黃武四今案戴作五年

孫權以富春為東安郡分置諸縣今案戴以討山

越命全琮趙氏朱箋刊誤云箋日吳志全琮此云以討士宗疑是字誤按全氏云當作以

討山越命全琮于文義方合。今按趙依全改戴仍作以討士宗。

浙江又東北逕亭山西

山上有孫權父冢按孫權之父乃堅也追尊為高陵非此冢咸淳臨安志堅父鍾

是此山之冢

北過餘杭東入于海

浙江逕縣左合餘杭今案戴作餘干大溪

江北即臨安縣界水北對郭文宅宅傍山面溪宅

東有郭文墓晉建武元年驃騎王導迎文置之西

園文逃此而終臨安令改葬之建安十六年縣民

郎稚作亂賀齊討之孫權分餘杭立臨水縣晉改

曰臨安縣因岡爲城南門尤高謝安涖郡遊縣逕此門以爲難爲亭長

浙江又東逕餘杭故縣南新縣北

秦始皇南遊會稽途出是地因立爲縣王莽之淮

睦也按今本漢志與水經皆作進睦何焯以宋本漢書校改予考其地相近有下淮故有淮睦之名○趙氏朱箋刊誤引梁書劉仁茂反侯景拒謝答仁于下淮陳書雷異出下淮抗禦忱恪皆卽其地○今案戴趙漢末陳渾移築南城縣後溪南竝依此改淮睦

大塘卽渾立以防水也縣南有三碑是顧颺范甯等碑縣南有大壁山郭文自陸渾遷居也

浙江又東逕烏傷縣北

王莽改曰烏孝郡國志謂之烏傷異苑曰東陽顏

烏以瀆孝著聞後有羣烏銜土集顏烏所居之邨

今案此九字戴作助銜土塊爲墳六字烏口皆傷一境以爲顏烏至

孝故致慈烏欲令孝聲遠聞又名其縣曰烏傷矣

浙江又東北流至錢塘縣穀水入焉水源西出太末縣

縣是越之西部姑蔑之地也漢時方有分部而西部亦不在姑蔑東京

分部西部始在姑蔑耳春秋戰國時不當以西部目之西部或是西鄙之誤○趙本引全氏校語○今按戴依此秦以爲縣王莽之末今按戴治也吳

寶鼎中分會稽立隸東陽郡

穀水東逕獨松故冢下

冢爲水毀其塼文筮言吉龜言凶百年墮水中今則同龜繇矣

穀水又東逕長山縣南與永康溪水合

縣卽東陽郡治也縣漢獻帝分烏傷立郡吳寶鼎中分會稽置城居山之陽或謂之長仙縣也言赤松採藥此山因而居之故以爲名後傳呼乖謬字亦因改

溪水南出永康縣

縣赤烏中分烏傷上浦立劉敬叔異苑曰孫權時

永康縣有人入山遇一大龜卽束之以歸龜便言曰游不量時爲君所得擔者怪之載出欲上吳王夜宿越里纜船于大桑樹宵中樹忽呼龜曰元緒奚事爾也龜曰行不擇日今方見烹雖盡南山之樵不能潰我樹曰諸葛元遜識性淵長必致相困令求如我之徒計將安泊今案戴龜曰子明無多辭旣至建業權將煮之燒柴萬車龜猶如故諸葛恪曰然以老桑乃熟獻人仍說龜言權使伐桑取煮之卽爛故野人呼龜曰元緒

其水飛湍北注縣南門入穀水穀水又東定陽溪水

注之水上承信安縣之蘇姥布

縣本新安縣晉武帝太康三年改曰信安

水懸百餘丈瀨勢飛注狀如瀑布

瀨邊有石如牀牀上有石牒長三尺許有似雜采  
帖也東陽記云信安縣有懸室坂晉中朝時有民  
王質伐木至石室中見童子四人彈琴而歌質因  
畱倚柯聽之童子以一物如棗核與質質含之便  
不復饑俄頃童子曰其歸承聲而去斧柯漼然爛  
盡既歸質去家已數十年親情凋落無復向時比  
矣

其水分納衆流混波東逝逕定陽縣

夾岸緣溪悉生支竹及芳枳木連雜以霜菊金橙  
白沙細石狀如凝雪石溜湍波浮響無輟山水之  
趣尤深人情縣漢獻帝分信安立溪亦取名焉

溪水又東逕長山縣北

北對高山山下水際是赤松羽化之處也炎帝少  
女追之亦俱仙矣後人立廟于山下

溪水又東入于穀水又東逕烏傷縣之雲黃山

山下臨溪水水際石壁傑立高一今按戴百許丈

又與吳寧溪水合水出吳寧縣下逕烏傷縣入穀謂

之烏傷溪水

閩中有徐登者女子化爲丈夫與東陽趙昞竝善越方時遭兵亂相遇于溪各示所能登先禁溪水爲不流昞次禁枯柳柳爲生莢二人相視而笑登年長昞師事之後登身故昞東入章安百姓未知昞乃升茅屋支鼎而爨主人驚怪昞笑而不應屋亦不損又嘗臨水求渡船人不許昞乃張蓋坐中長嘯呼風亂流而濟于是百姓神服從者如歸章安令惡而殺之民立祠于永寧而蚊蚋不能入昞秉道懷術而不能全身避害事同萇弘宋元之龜

厄運之來故難救矣

穀水又東入錢唐縣而左入浙江故地理志曰穀水自太末東北至錢唐入浙江是也浙江又東逕靈隱山

山在四山之中有高崖洞穴左右有石室三所又有孤石壁立大三十圍其上開散狀似今案戴蓮花昔有道士長往不歸或因以稽留爲山號山下有錢唐故縣浙江逕其南王莽更名之曰泉亭地理志曰會稽西部都尉治錢唐記曰防海大塘在縣東一里許郡議曹華信家議立此塘以防海水

始開募有能致一斛土者即與錢一千旬月之間  
來者雲集塘未成而不復取于是載土石者皆棄  
而去塘以之成故改名錢塘焉

縣南江側有明聖湖

父老傳言湖有金牛古見之神化不測湖取名焉

縣有武林山武林水所出也關駟云山出錢水東入

海漢志會稽郡錢唐縣武林山武林水所出東入海

行八百里三十里武林山即靈隱山在今錢唐縣治

西五里武林水東入海則是截錢唐江而東趣龕楮

以達于海不然不得云東入也計其里數不及二百

何云八百三十里耶吳地記言縣唯浙江今無此水

縣東有定包諸山皆西臨浙江水流于兩山之間江

尤大至二月八月最高峩峩二丈有餘

川急濬兼濤水晝夜再來來應時刻常以月晦及望

吳越春秋以為子胥文種之神也昔子胥亮于吳

梓材案舊本作昔子胥死于吳趙氏朱箋刊誤引

全氏云隋人避諱改忠為亮今誤作死字非也

今案戴趙竝依此改亮而浮尸于江吳人憐之立祠于江上

名曰胥山吳錄曰胥山在太湖邊去江不百里故

曰江上文種誠于越按何焯曰誠字本忠字隋人

趙竝依此改誠而伏劍于山陰越人哀之葬于重山文種

既葬一年子胥從海上負種俱去游夫江海故潮

水之前揚波者伍子胥後重水者大夫種是以枚

乘曰濤無記焉然海水上潮江水逆流似神而非  
于是處焉秦始皇三十七年將遊會稽至錢唐臨  
浙江所不能渡故道餘杭之西津也

又有吳瀆破山導源注于胥江按自吳瀆一條下舊

按此十二字戴趙在孰浙江北合詔息湖

湖本名阼湖因秦始皇帝巡狩所憇故有詔息之  
名也

浙江又東合臨平湖

異苑曰晉武時吳郡臨平岸崩出一石鼓打之無  
聲以問張華華曰可取蜀中桐材刻作魚形扣之

則鳴矣于是如言聲聞數十里劉道民詩曰按何

道民宋武帝小字也事有遠而合蜀桐鳴吳石傳言此湖草

蕨壅塞天下亂是湖開天下平孫皓天璽元年吳

郡上言臨平湖自漢末蕨塞今更開通又于湖邊

得石函函中有小石青白色長四尺廣二寸餘刻

作皇帝字于是改天册為天璽元年孫盛以為元

皇中興之符徵五湖之石瑞也按此亦孫盛之諛

錢唐記曰桓玄之難湖水色赤熒熒如丹今按戴

下有湖水上通浦陽江下注浙江名曰東江行旅

所從以出浙江也二十四字然後戴接浙江又逕

江又東逕禦見鄉云云



浙江又東逕禦兒鄉今按此條戴在會稽其一焉句下

萬善歷曰吳黃武六年正月獲彭綺是歲由拳西鄉有產兒墮地便能語云天方明河欲清鼎腳折金乃生因是詔為語兒鄉非也禦兒之名遠矣蓋無智之徒因藉地名生情穿鑿耳國語曰句踐之地北至禦兒是也安得引黃武證地哉韋昭曰越北鄙在嘉興

浙江又東逕柴辟南

舊吳楚之戰地矣備候于此故謂之辟塞是以越絕稱吳故從又拳辟塞渡會稽湊山陰是也今按此下

戴掖又逕永興縣云云

浙江又逕固陵城北今按此條戴在行旅所從以出浙江也句下

昔范蠡築城于浙江之濱言可以固守謂之固陵今之西陵也

浙江又東逕祖塘謂之祖瀆

昔太守王朗拒孫策數戰不利孫靜果說策曰朗負阻城守難可卒拔祖瀆去此數十里是要道也若從此出攻其無備破之必矣策從之破朗于固陵

有西陵湖亦謂之西城湖

湖西有湖城山東有夏架山今按戴趙本此下接湖水承妖皐溪云

湖水上通浦陽江下注浙江臨平湖在浙江而通浦陽江

若云上通南江則善矣名曰東江行旅所從以出浙

江也梓材按趙氏朱箋刊誤云此處有錯簡依全氏本校正此句下接浙江又東逕禦兒鄉至湖水

上承妖皐溪而下注浙江二百八十三字下接又逕

會稽山陰縣云云○今案趙所引全本是五校本至

七校本則又湖水承妖皐溪而下注浙江今按戴

微不同矣又逕永興縣北今按此條戴在湊山

下即接又逕會稽山陰縣云云又逕永興縣北陰是也句下趙在會

縣北趙作縣南縣在會稽東北一無此字百二十里故餘暨縣今按

趙無此也應劭曰今案趙無闔閭弟夫槩之所今

趙作邑今按趙王莽之餘衍也漢末童謠云天子

當興東南三餘之間故孫權改曰永興縣濱浙江

今按戴趙本此下竝接又東合浦陽江

又逕會稽山陰縣

有苦竹里里有舊城言句踐封范蠡子之邑也

浙江又東與蘭溪合

湖南有天柱山湖口有亭號曰蘭亭亦曰蘭上里

太守王羲之謝安兄弟數往造焉吳郡太守謝勗

封蘭亭侯蓋取此亭以為封號也太守王廙之移

亭在水中晉司空何無忌之臨郡也起亭于山椒  
極高盡眺矣亭宇雖壞基陛尚存

浙江又逕越王允常冢北

冢在木客村者彥云句踐使工人伐檠楮欲以獻

吳久不得歸工人憂思作木客吟後人因以名地

句踐都琅琊今按戴作邪欲移允常冢冢中生分風飛

沙射人人不得近句踐謂不欲遂止

浙江又東北得長湖口湖廣五里東西百三十里沿  
湖開水門六十九所下溉田萬頃北瀉長江湖南有  
覆斗山周五百里北連鼓吹山山西枕長溪溪水下

注長湖

山之西嶺有賀臺越入吳還而成之故號曰賀臺  
矣又有秦望山在州城正南為衆峰之傑陟境便  
見史記云秦始皇登之以望南海自平地以取山  
頂七里懸墜孤危徑路險絕記云扳蘿捫葛然後  
能升山上無甚高木當由地迴多風所致山南有  
嶠峴峴裏有大城越王無餘之舊都也故吳越春  
秋云句踐語范蠡曰先君無餘國在南山之陽社  
稷宗廟在湖之南

又有會稽之山

古防山也亦謂之為茅山又曰棟山越絕云棟猶鎮也蓋周禮所謂揚州之鎮矣山形四方上多金玉下多玦石

山海經曰夕水出焉南流注于湖按本經夕水作勺水湖作澳。今案

趙作勺作澳

吳越春秋稱覆釜山之中有金簡玉字之書黃帝之遺識也山下有禹廟廟有聖姑像禮樂緯云禹治水畢天賜神女聖姑即其像也山上有禹冢昔大禹即位十年東巡狩崩于會稽因而葬之有鳥來為之耘春拔草根秋啄其穢是以縣官禁民不

得妄言此鳥犯則刑無赦山東有湮井去廟七里深不見底謂之禹井云東遊者多探其穴也秦始皇登會稽山刻石紀功尚存山側孫暢之述書云丞相李斯所篆也又有石匱山石形似匱上有金簡玉字之書言夏禹發之得百川之理也又有射的山遠望山的狀若射侯故謂射的射的之西有石室名之為射堂年登否常占射的以為貴賤之準的明則米賤的闇則米貴故諺云射的白斛米百射的立斛米千北則石帆山山東北有孤石高二十餘丈廣八丈望之如帆因為名

北臨大湖水深不測傳與海通

何次道作郡常于此水中得烏賊魚南對精廬上

蔭修木下瞰寒泉西連會今按趙無此字稽山皆一山也

東帶若邪溪

吳越春秋所謂歐冶涸而出銅今按趙無此三字以成五

劍

溪水上承嵯岼麻浮溪之下孤潭周數畝甚清深

有孤石臨潭垂今按戴作乘崖俯視猿狖驚心寒木破

潭森沈駭觀上有一櫟樹謝靈運與從弟惠連常

游之作連句題刻樹側

麻潭下注若邪溪

水至清照衆山倒影窺之如畫漢書劉寵作郡有

政績將解任去治此溪父老人持百錢出送寵各

受一文然山栖遯逸之士谷隱不羈之民有道則

見物以感遠為貴荷泉今案戴作錢致意故受者以一

錢為榮豈藉費也義重故耳

溪水下注大湖邪溪之東又有寒溪溪之北有鄭公

泉泉方數丈冬溫夏涼

漢太尉鄭弘宿居潭側因以名泉弘少以苦節自

居恆躬采伐用買糧膳每出入溪津常感神風送

之雖憑舟自運無杖屨之勞邨人貪藉風勢常依  
隨往還有淹畱者徒輩相謂汝不欲及鄭風邪其  
感致如此

湖水自東亦注江通海

水側有白鹿山山北湖塘上舊有亭吳黃門郎楊  
哀明居于弘訓里太守張景數往造焉使開瀆作  
埭埭之西作亭亭埭皆以楊爲名孫恩作賊從海  
來楊亭被燒後復修立厥名猶在東有銅牛山山  
有銅穴三十許丈穴中有大樹神廟山上有冶官  
山北湖下有練塘里吳越春秋云句踐練冶銅錫

之處采炭于南山故其間有炭瀆句踐臣吳吳王  
封句踐於越百里之地東至炭瀆是也縣南九里  
有侯山山孤立長湖中晉車騎將軍孔敬康少時  
遜世栖跡此山

按會稽志孔愉爲會稽內史始居侯山棄官栖隱非少時

湖北  
有三小山謂之鹿野山在縣南六里按吳越春秋  
越之麋苑也山有石室言越王所游息處矣縣南  
湖北有陳音山楚之善射者曰陳音越王問以射  
道又善其說乃使簡士習射北郊之外按吳越春  
秋音死葬于國西山上今陳音山乃在國南五里  
湖北有射堂及諸邸舍連衍相屬又于湖中築塘

直指南山北即大越之國秦改為山陰縣會稽郡

治也太史公曰禹會諸侯計于此命曰會稽會稽

今按趙本無此二字者會計也始以山名因為地號夏后少

康封少子杼以奉禹祠為越按少康崩杼嗣位非

本引全氏曰按夏人報杼乃夏后之賢者豈以支

子分封奉祠哉史記越世家亦不云是后杼也

世歷殷周至于允常列于春秋允常卒句踐稱王

都于會稽吳越春秋所謂越王都埤中在諸暨北

界山陰康樂里有地名邑中者是越事吳處故北

其門以東為右西為左故雙闕在北門外闕北百

步有雷門門樓兩層句踐所造時有越之舊木矣

州郡館宇屋之大瓦亦多是越時故物按此即王

云雙杉廳是越故物者也。趙本引全氏校語句踐霸世徙都瑯琊今案

邪後為楚伐始還浙東

城東郭外有靈汜下水甚深舊傳下有地道通于震

澤

又有句踐所立宗廟在城東明里中甘滂南又有

玉筍竹林雲門天柱精舍竝疏山創基架林裁宇

割澗延流盡泉石之好水流逕通

浙江又北逕山陰縣西

西門外百餘步有怪山本瑯琊今按戴作郡之東

武縣山也飛來徙此壓殺數百家吳越春秋稱怪  
山者東武海中山也一名自來山百姓怪之號曰  
怪山亦云越王無疆爲楚所伐去瑯琊止今按趙  
東武人隨居山下遠望此山其形似龜故亦曰龜  
山之稱也越起靈臺于山上又作三層樓以望雲  
物川土明秀亦爲勝地故王逸少云從山陰道上  
猶如鏡中行也浙江之上又有大吳王小吳王邨  
竝是闔閭夫差伐越所舍處也今悉民居然猶存  
故目昔越王爲吳所敗以五千餘衆栖於稽山卑  
身待士施必及下呂氏春秋曰越王之栖于會稽

也有酒投江民飲其流而戰氣自倍所投卽浙江  
也許慎晉灼竝言江水至山陰爲浙江江之西岸  
有朱室隄按隄一作塢句踐百里之封西至朱  
室謂此也

### 浙江又東北逕種山西

大夫文種之所葬也山上有白樓亭亭本在山下  
縣令殷朗移置今處沛國桓儼避地會稽聞陳業  
履行高潔往候不見儼後浮海南入交州臨去遺  
書與業不因行李繫白樓亭柱而去升陟遠望山  
湖滿目也永建中陽羨周嘉上書以縣遠赴會至



難求得分置遂以浙江西為吳以東為會稽漢高

帝十二年亦今按戴趙吳也按高帝六年會稽郡

年屬吳王濞國中故曰亦吳也景帝四年後分為三

世號三吳吳興吳郡今按此四字趙作會稽其一

焉今按此下趙接又逕承興縣南云

又東合浦陽江江水今按趙導源烏傷縣又今案戴

東逕諸暨縣與洩溪合溪廣數丈中道有兩高山夾

溪造雲壁立凡有五洩下洩懸三十餘丈廣十丈中

三洩不可得至登他山遠望乃得見之懸百餘丈水

勢高急聲震水外上洩懸二百餘丈望若雲垂此是

瀑布士人號為洩也江水又東逕諸暨縣南

縣臨對江流江南有射堂縣北帶烏山故越地也

今按趙有夫槩王之先名上諸暨亦曰句無矣故

國語曰句踐之地南至句無王莽之疎虜也

夾水多浦浦中有大湖春夏多水秋多涸淺江水自

二其一江水又東南逕剡縣與白石山水會山上有瀑

布懸水三十丈下注浦陽江浦陽江水又東流南屈

又東迴北轉逕剡縣東

玉莽之盡忠也縣開東門向江江廣二百餘步自

昔耆老舊傳縣不得開南門開南門則有賊盜

江水翼縣轉注故有東渡西渡焉東南二渡通臨海  
竝汎單船為浮航西渡通東陽併二十五船為橋航  
江邊有查浦浦東行二百餘里與句章接界

浦裏有六里有五百家竝夾浦居列門向水甚有

良田有青溪餘洪溪大發溪小發溪江上有六按今

戴本無溪六溪裂今按戴溉散今按趙本入江梓

此字按趙本引全氏曰此即六溪之水也凡言渠水必

皆以人力為之云云蓋約舉謝山漸江水第四跋

語詳列篇末夾溪上下崩崖若傾東有簞山南有黃山

與白石三山為縣之秀峰山下眾流泉今按趙導

浦陽江又東逕石橋

廣八丈高四丈下有石井口徑七尺橋上有方石

長七尺廣一丈二尺橋頭有磐石可容二十人坐

溪水兩傍悉高山山有石壁二十許丈溪中相攻

轟響外發未至橋數里便聞其聲

江水北逕嶸山

山下有亭亭帶山臨江松嶺森蔚沙渚平靜

浦陽江又東北逕始寧縣嶧山之成功嶠

嶠壁立臨江欹路峻狹不得併行行者牽木梢進

不敢俯視嶠西有山孤峰特上飛禽罕至嘗有采

藥者沿山見通溪尋上于山頂樹下有十二方石  
地甚光潔還復更尋遂迷前路言諸仙之所憩讌  
故以壇讌名山

嶠北有嶧浦

浦口有廟廟甚靈驗行人及樵伐者皆先敬焉若  
相侵竊必爲蛇虎所傷北則嶧山與嵒山接二山  
雖曰異縣而峰嶺相連其間傾澗懷煙泉溪引霧  
吹畦風馨觸岫延賞是以王元琳謂之神明境事  
備謝康樂山居記

浦陽江自嶧山東北逕太康湖

車騎將軍謝玄田居所在右濱長江左傍連山平  
陵修通澄湖遠鏡于江曲起樓樓側悉是桐梓森  
聳可愛居民號爲桐亭樓樓兩面臨江盡升眺之  
趣蘆人漁子汎濫滿焉湖中築路東出趣今案戴  
作趨  
山路甚平直山中有三精舍高費凌虛垂簷帶空  
俯眺平林煙杳在下水陸寧晏足爲避地之鄉矣  
江有琵琶圻圻有古冢墮水壁有隱起字云筮吉  
龜凶八百年墮水中謝靈運取璧詣京咸傳觀焉  
乃如龜繇故知冢已八百年矣

浦陽江又東北逕始寧縣西

本上虞之南鄉也漢順帝永建四年陽羨周嘉上書始分之舊治水西常有浪潮之患晉中興之初治今處

縣下有小江源出岷山謂之岷浦逕縣下西流注于浦陽秣山下注此浦浦西通山陰浦而達于江

江廣百丈狹處二百步高山帶江重蔭被水江闊漁商川交樵隱故桂棹蘭棧望景爭途江南有故

城太尉劉牢之討孫恩所築也按劉牢之終于鎮北將軍其討孫恩時為會稽五郡都督非太尉趙本引全氏校語

江水東逕上虞縣南

玉莽之會稽也本司鹽都尉治也今按戴無此字地名虞

賓晉太康地記曰舜避丹朱于此故以名縣百官從之故縣北有百官橋亦云禹與諸侯會事訖因

相虞樂故曰上虞二說不同未詳孰是縣南有蘭風山山少木多石驛路帶山傍江路邊皆作欄干

山有三嶺枕帶長江蒼蒼孤危望之若傾緣山之路下臨大川皆作飛閣欄干乘之而渡謂此三嶺

為三石頭丹陽葛洪遯世居之基并存焉琅琊今按戴作邪王方平性好山水又爰宅蘭風垂釣于此以

永終朝行者過之不識問曰賣魚師得魚賣否方

平答曰釣亦不得復不賣

亦謂是水為上虞江縣之東郭外有漁浦湖

中有大獨小獨二山又有覆舟山覆舟山下有漁

浦王廟廟今移入裏山北今按戴作此三山孤立水中

湖外有青山黃山澤蘭山重岫疊嶺參差入雲澤

蘭山頭有深潭山影臨水水色青綠山中有諸塢

有石槌一所

右臨白馬潭潭之深無底

傳云創湖之始邊塘屢崩百姓以白馬祭之因以

名水

湖之南即江津也

江南有上塘陽中二里隔在湖南常有水患太守

孔靈符過蜂山前湖以為隸隸下開瀆直指南津

又作水槌二所以舍此江得無淹漬之害

縣東有龍頭山山崖之間有石井冬夏常冽清泉南

帶長江東連上陂

江之道南有曹娥碑娥父盱迎濤溺死娥時年十

四哀父尸不得乃號踊江介因解衣投水祝曰若

值父尸衣當沈若不值衣當浮裁落便沈娥遂于

沈處赴水而死縣令度尚使外甥邯鄲子禮為碑

文以彰孝烈江濱有馬目山洪濤一上波隱是山

勢淪唳亭間歷數縣行者難之縣東北上亦有孝

子楊威母墓威少失父事母至孝常與母入山採

薪為虎所逼自計不能禦于是抱母且號且行虎

見其情遂弭耳而去自非誠貫精微孰能理感于

英獸矣今按戴趙本有又有吳濱破山導源注于

上虞江東逕周市而注永興地理志曰縣有仇亭柯

水東入海仇亭在縣之東北一今按戴十里江北柯

水疑即江也其一又東北逕永興縣東與浙江合謂之

浦陽江地理志又云縣有蕭山潘水所出東入海又

疑是浦陽江之別名也自外無水以應之浦陽江水

分于諸暨是為曹娥錢清二口其自義烏山南出者

道由蒿壩所謂東小江也下流斯為曹娥其自山北

出者道由義橋所謂西小江也下流斯為錢清考浦

陽之名漢時所未有故班固不錄然志于浦陽東道

之水則曰柯水而係之虞即曹娥也西道之水則

有潘水而係之浦暨即錢清也續志有潘水而失柯

水至章昭始以浦陽為三江之一六朝時合曹娥錢

清二江總曰浦陽故謝康樂山居賦云皆指曹娥

而南史爭戰之地則皆在錢清歷唐五代皆指曹娥

尚無曹娥錢清之名故元域志以曹娥鎮屬會稽錢

清鎮屬山陰可證也道元注水經以上虞江稱曹娥

而錢清則否是知曹娥為浦陽江經流無疑矣觀浦

史浦陽江南北各有梁湖堰北津堰即今之曹娥堰

與西陵埭柳浦埭稱四埭六朝官制班固足與水道

全宋文卷之... 漸江水 趙本引全氏校語 浙江

又東注于海故山海經曰浙江其東三字有在

北入海韋昭以松江浙江浦陽江為三江自上海篇

西特為錯簡所誤而其纏絡則尚可按而得也故一

經校正便已整然篇末則竟誤矣蓋不知曹娥錢清

之為二江曹娥是浦陽經流錢清是支流各為一江

竝不可合乃謂曹娥自上海虞而注永興欲并柯水潘

水為一以屬之曹娥則乖謬無

可旁通者讀者當分別觀之

鮪崎亭集跋漸江水篇曰漸水篇錯簡狎出故

唐而不可讀其實善長之纏絡亦可按也漸江固至錢

湖而柴壁而及于湖東岸之固隱而陣湖而臨平而禦

後由永興以入越由是而山陰而會稽則了然矣

試讀之乎迨隋人改為運道而遺跡不可考矣先

獨無之固陵之西地名柳浦有橋曰跨浦六朝時

以塙防之以官守之地至宋時橋址尚在見于胡氏

通鑑注乃江浦之水口也此千古未發之佳

證因釐正之授先君予自此得改次焉

又跋漸江水篇二曰山經漸江出三天子都在其

東郭景純曰出新安黟縣南蠻中此與漢志合亦

與鄞注水經合唐盧潘引漢志始作黟縣南率

山蓋因蠻字之相近也黟人因而為之目曰率山

曰率水而并改山經以率山之水裝點地望而不

知其非也漢志具在豈可以一率人之異同擅改

其文乃并改山經以就之乎當東漢之時新安一

帶山越居之故曰蠻中賀齊諸葛恪傳可考若以

為率他書所無樂史太平寰宇記始列其目而九

而東至于今山陰縣之三江閘口乃其入海之道

武林山水者今之靈隱山也東入海則絕錢唐江

出錢水東入海行八百三十里縣善長曰闕駟云山

所跋漸江水篇三曰漢志錢唐縣武林山水

墩司志仍不及焉會是以羅存齋程篁

入百三十里由錢唐至吾甬上之海口過今郡之  
 三亦僅五百里終不得入百三十里也斯其為記  
 錄之誤無疑此句當是錯簡在太末縣下穀水東  
 北至錢唐入江計其所行蓋約畧得入百三十里  
 之數至於錢水塘而流傳華山水蓋即江水所謂錢  
 唐蓋即錢水之塘而流傳華山水蓋即江水所謂錢  
 林山水則固由柳浦以入江今入隋  
 運河中亦非如吳地記中所云也  
 又跋漸江水篇四日漢志於浦陽之水曰柯水則  
 今曹娥是也日潘水則今錢清是也曹娥之流由  
 諸暨而噴直與句章接則嘯浦姚浦漁浦刻溪簞  
 溪胥會之矣其又東之水見於漢志者惟句章之  
 渠水而鄞鄞間無述之者乾道圖經以來皆不及  
 也予考鄞鄞間之水皆江也其在今鄞境者漢之  
 也日鄞江其在奉化江其在甬境者漢之西界也  
 日慈谿江三山溪而外皆以甌堰隔斷江水畜四  
 二百八十峯山溪之水如小江湖如東錢湖如廣  
 德湖如花墅湖皆可以謂之渠水然皆起于六朝  
 之後漢世所無而漢志所謂之渠水絕不可考且凡

水之以渠名者必其出自人力而後謂之渠如鴻  
 溝謂之渠水形溝亦謂之渠水諸如太白渠成國  
 渠蒙籠渠漳渠洵渠皆是也則句章之渠水亦必  
 居民苦江湖之斥鹵而引山溪之水為渠以利田  
 溉無可疑也水經注序浦陽之東流至于句章而  
 止然其自白石山而東日刻縣江邊有查浦東行  
 二百餘里與句章接夾浦有六溪夾溪崩崖若傾  
 其即所謂渠水者矣蓋六溪即簞溪之支流簞溪  
 入浦陽而此六溪者瀦而為渠遂獨為句章之望  
 雖于前人無明文然舍是更無水以當之矣吾鄉  
 掌故于二漢少流傳人代已遠  
 三犀雙鵠溼沒已久為可歎也  
 又跋漸江水篇五日漸江西入之道得柳浦而曉  
 然若無水何以有浦又何以有橋既  
 有之則知其與臨平湖合水合不難矣由臨平而達  
 禦兒之柴壁江亦合穀水而下至于柴壁渾濤  
 東注以趨固陵是江水至禦兒已與浙江合許慎  
 晉灼闕駟謂江水至山陰始與浙江合者特要其  
 終而言之其實不待山陰也若以史家書法言之  
 當云江水至禦兒與浙江合又東至山陰入海水



經以為至餘姚乃其誤耳或疑南江東下之道烏  
程一帶地勢中高過此則海鹽又中高不知雖有  
高原豈無下隰江水滙震澤而來所趨者為諸縣  
之下隰不相阻也乃若不知而作者妄為杭志三  
詰三誤之編則不知柳浦之本通不礙于江湖內  
外之纏絡多作葛藤益可以辨其口矣攷善長于  
沔水篇曰浙江至臨平湖南合南江又至餘暨東  
合浦陽江今誤本日浙江至臨平湖南合浦陽江  
遂不  
可曉

水經注第三十五終

後學王梓材錄董沛重校

水經注第三十六

范陽酈道元注

鄞全祖望校

布政使銜浙江甯紹台兵備道無錫薛福成校刊

漾水

漾水出隴西氏道縣嶓冢山東至武都沮縣為漢水何

曰漾水出梁州之嶓冢其出涼州者乃沮水經誤牽合

常璩華陽國志今按趙曰漢水有二源東源出武都

氏道縣漾山為漾水禹貢導漾東流為漢是也西源

出隴西西縣嶓冢山會白水逕葭萌入漢始源曰沔

按沔水出東狼谷逕沮縣入漢漢中記曰嶓冢以東

水皆東流嶓冢以西水皆西流即其地勢源流所歸

故俗以嶓冢為分水嶺即此推沔水無西入之理劉

澄之云有水從阿今按趙作阿河而辨之陽縣南至梓潼漢壽入

大穴按宋本作阿陽續志注引此文作江陽今本水經作沔陽沔陽是梓潼漢壽之下流不問而知其謬矣江陽亦非也阿陽近是暗通岡山郭景純亦言是

矣岡山穴小本不容水水成大澤而流與漢合庾仲

雍又言漢水自武遂川南入蔓葛谷越野牛逕至關

今按趙城合西漢水故諸言漢者多言西漢水至葭

萌入漢又曰始源曰沔是以經云漾水出氐道縣東

至沮縣為漢水東南至廣魏白水朱謀璋曰廣魏宋本

曰善長魏人或如崔浩急就章改漢為代之例亦未可定予按下條陰平注文廣漢之名三見蓋雜出漢

魏人之手診其沿注似與三說相符而未極西漢之源矣

然東西兩川俱受沔漢之名者義或在茲矣班固地

理志司馬彪袁山松郡國志並言漢有二源東出氐

道西出西縣之嶓冢山闕駟云漢或為漾漾水出崑

崙西北隅至氐道重源顯發而為漾水又言隴西西

縣嶓冢山在西西漢水所出南入廣魏白水又云漾

水出桓今按戴趙並道東至武都入漢按桓道以許

獠道也宋志曰前漢舊名桓道東漢作獠晉以後仍作桓然則今本班志作獠者皆誤文當以說文正之

許慎呂忱並言漾水出隴西桓道東至武都為漢水

不言氐道然桓道在冀之西北又隔諸川無水南入

疑出桓道之為謬矣

何焯曰桓道殆即因道之訛按何氏之言是也桓道在兩京皆

屬天水不屬隴西今日隴西知其即因道之訛又云漢漾也東為滄浪水山

海經曰嶧冢之山漢水出焉而東南流注于江然東

西兩川俱出嶧冢而同為漢水者也孔安國曰泉始

出為漾其猶濛耳而常璩專為漾山漾水當是作者

附而為山水之殊目矣余按山海經漾水出崑崙西

北隅而南流注于醜塗之水穆天子傳曰天子自春

山西征至于赤烏氏已卯北征庚辰濟于洋水辛巳

入于曹奴曹奴之

今按戴無此字

人戲觴天子于洋水之上

乃獻良馬九百牛羊七千天子使逢固受之天子乃

賜之黃金之鹿戲乃膜拜而受余以太和中從高祖

北巡狄人猶有此獻雖古今世殊而所貢不異然川

流隱伏卒難詳照地理潛閎變通無方復不可全言

闕氏之非也

何焯曰山海經洋音詳不可竟指為漾以證闕駟之說

雖津流派

別枝渠勢懸原始要終潛流或一故俱受漢漾之名

納方土之稱是其有漢川漢陽廣漢漢壽之號或因

其始或據其終縱異名互見猶為漢漾矣川其目殊

或亦在斯今西縣嶧冢山西漢水所導也然微涓細

注若通羃歷津注而已西流與馬池水合水出上邽

西南六十餘里謂之龍淵水言神馬出水事同余吾

來淵之異朱謀璋曰余吾山經作涂吾故因名焉

開山圖曰隴西神馬山有淵池龍馬所生卽是水也

其水西流謂之馬池川又西流入西漢水西漢水又西南流左得蘭渠溪水次西有山黎谷水次西有鐵谷水次西有石耽谷水次西有南谷水並出南山揚湍北注右得高望谷水次西得西溪水次西得黃花谷水咸出北山飛波南入西漢水又西南資水注之水北出資川導源四壑南至資峽總爲一水出峽西南流注西漢水西漢水又西南得峽石水口水出苑

亭西草黑谷三溪西南至峽石口合爲一瀆東南流屈而南注西漢水西漢水又西南合楊廉川水水出西谷衆川瀉流合成一川東南流逕西縣故城北

秦莊公伐西戎破之周宣王與其先今按趙無此字大駱

大邱之地爲西垂大夫亦西垂宮也王莽之西治

矣建武八年世祖至阿今按趙作河陽竇融等悉會天

水震動隗囂將妻子奔西城從楊廣廣死囂愁窮

城守時潁川賊起車駕東歸留吳漢岑彭圍囂岑

等壅西谷水以縑幔盛土爲隄灌城城未沒丈餘

水穿壅不行地中數丈涌出故城不壞王元梓材案舊

本無此二字趙氏朱箋刊誤引全氏請蜀救至漢云據後漢書補○今按戴亦依增

等退還上邽但廣廉字相狀後人因以人名名之

故習譌為楊廉也置楊廉縣焉

又東南流右會茅川水水出西南戎溪東北流逕戎

邱城南

吳漢之圍西城王捷登城向漢軍曰為隗王城守

者皆必死無二心願諸將亟罷請自殺以明之遂

刎頸而死

又東北流注西谷水亂流東南入于西漢水西漢水

又西南逕始昌峽直始昌縣故城西梓材按舊本無直字趙氏朱箋

刊誤云始昌上全氏校增直字。今按戴無此七字

晉書地道記曰天水始昌縣故城西也亦曰清崖

峽

西漢水又西南逕巖備戍南巖一本作宕。今按左戴趙並作宕下同

則巖備水自東南西北注之右則鹽官水南入焉

水北有鹽官梓材按朱箋本作水有鹽官趙氏刊誤云水下全氏校增北字。今按戴

亦依增 在蟠豕西五十許里相承營煮不輟味與海

鹽同故地理志云西縣有鹽官是也

其水東南逕巖備戍西東南入漢水漢水又西南合

左谷水水出南山窮溪北注漢水又西南蘭臯水出

今按趙西北五交谷南齊書有蘭臯戍去仇池二百里有于字東南歷祁山軍東南入漢水漢水又西南

逕祁山軍南雞水南出雞谷北逕水南縣西北流注

于漢漢水又西建安川水入焉其水導源建威西北

山白石成東南二源合注東逕建威城南又東與蘭

坑水會水出西南近溪東北逕蘭坑城西東北流注

建安水建安水又東逕蘭坑城北建安城南

其地故西縣之歷城也楊定自隴右徙治歷城即

此處也去仇池今按戴無此字百二十里後改為建安

城

其水又東合錯水水出錯水成東南而東北入建安

水建安水又東北有雉尾谷水又東北有太谷水又

北有小祁山水並出東溪揚波西注又北左會胡谷

水水西出胡谷東逕金盤歷城二軍北

軍在水南層山上

其水又東注建安水建安水又東北逕塞峽

元嘉十九年宋太祖遣龍驤將軍裴方明伐楊難

當難當將妻子北奔梓材按舊脫難當重文趙氏朱箋刊誤引全氏云于文當

重難當二字今按戴亦依增安西參軍魯尚期追出塞峽即是

峽矣左山側有石穴洞人言潛通下辨所未詳也

其水出峽西北流注漢水

漢水北連山秀舉羅峯競峙祁山在嶓冢之西七十許里山上有城極為巖固昔諸葛亮攻祁山即斯城也漢水逕其南城南三里有亮故壘壘之左右猶豐茂宿草蓋亮所植也在上邽西南二百四十里開山圖曰漢陽西南有祁山蹊徑逶迤山高巖險九州之名阻天下之奇峻今此山于眾阜之中亦非為傑矣

漢水又西南與甲谷水合水出西南甲谷東北流注漢水漢水又西逕南呀北呀之中梓材按舊本作漢水又西逕南岸北

中岸之上下有二城朱箋曰岸宋本作呀趙氏刊誤云按此文多誤當作漢水又西逕南呀北呀之中中字移在之字之下。今按戴無之字

上下有二城相對左右墳壠低昂互山被阜古諺

今按趙云南呀北呀萬有餘家諸葛亮表言祁山

作語去沮縣五百里有民萬戶矚其邱墟信為殷矣

漢水西南逕武植戍南武植戍水發北山二源奇發合于安民戍南又南逕武植戍西而西南流注于漢水漢水又西南逕平夷戍南又西南夷水注之水出北山南逕其戍西南入漢水漢水又西逕蘭倉城南又南右會兩溪俱出西山東流注于漢水張華博物

志云溫水出烏鼠山下注漢水疑是此水而非所詳

也漢水又南入嘉陵道而為嘉陵水世俗名之為階

陵水非也按階嘉音通漢水又東南得北谷水又東南得

武階今按戴音通水又東南得倉谷水右三水並出西溪

東流注漢水漢水又東南逕瞿堆西又屈逕瞿堆南

絕壁峭峙孤險雲高望之形若覆唾今按趙無此字壺其

今按戴無此字高二十餘里羊腸蟠道三十六迴開山圖

謂之仇夷所謂積石嵯峨嶽岑隱阿者也有平

田百頃糞土成鹽因以百頃為號山上豐水泉所

謂清泉湧沸潤氣上流者也漢武帝元鼎六年開

以為武都郡天池太澤在西故以都為目矣王莽

更名樂平郡縣曰循虜常璩范曄云郡居河地一

名仇池池方百頃即指此也左右悉白馬氏矣漢

獻帝建安中有天水氏楊勝今按戴趙並作騰者世居隴

右為氏太師朱謀璋曰魏書作楊騰按通典作楊勝太師當作大帥今按戴本徑改

帥子駒勇健多計徙居仇池魏拜為百頃氏王

漢水又東合洛谷水水有二源同注二壑于今按戴作逕

神蛇戍西

左右山溪多五色蛇性馴良不為物毒

洛谷水又南逕虎膺戍東又南逕仇池郡西瞿堆東



西南入漢水漢水又東合洛漢今按戴作水水北發

洛谷南逕威武戍南又西南與龍門水合水出西北

龍門谷東流與橫水會東北窮溪即水源也又南逕

龍門戍東又東南入洛漢水顧祖禹曰鞏昌府成縣

洛漢水其水出西和縣境即漢綿諸又東南逕上祿

道也流逕成縣之六漢堡又西入漢

縣故城西修源濬導逕引北溪南總兩川單流納漢

漢水又東南逕濁水城南又東南會平樂今按趙作

水水出武階今按戴東北四十五里更馳南溪導源

東北流山側有甘泉涌波飛清下注平樂水又逕甘

泉戍南又東逕平樂戍南又東入漢謂之會口漢水

東南逕脩城道南與脩水合水總二源東北合漢漢

水又東南於槃頭郡南與濁水合水出濁城北何焯

水出濁城北至南合鳳溪水皆沮水支津東流與丁

上承氏道水而善長誤以為東漢之源

合溪水會其水北出丁合谷南逕武街城西東南入

濁水濁水又東逕武街城南

故下辨縣治也李倉李稚以氏王揚敵堅妻死葬

陰平襲武街楊難敵堅頭乃兄弟今曰敵堅誤也

李倉當作李瑒又按華陽國志氏叛李氏故攻之非以妻葬也○今按戴本依為氏所

此徑改楊敵堅為楊難敵李倉為李瑒

殺于此矣今廣業郡治朱謀璋曰廣業宋本作廣

祖禹曰下辨後魏屬修武郡又析下辨

地置廣業郡隸東益州見魏書地形志

全核九經注 卷三 漾水

濁水又東宏體水注之體一作休○今按水出北此二

字趙溪南逕武街城東而南流注于濁水濁水又東

逕白石縣南

續漢書曰虞詡為武都太守下辨東三十餘里有

峽中白水梓材按舊本作峽中有泉全氏底本有云泉字今本誤作白水二字以太

平御覽校而已抹之○生大石障塞水流春夏輒

潰溢敗壞城郭詡使燒石以醋今按戴灌之石皆

裂碎因鑄去焉遂無泛溢之害

濁水即白水之異名也濁水又東南湓陽水北出湓

谷南逕白石縣東而南入濁水祝穆曰泥楊水自天水谷發源東南流至

湓陽縣與栗亭水合東南注嘉陵江隋志後魏置泥陽縣西魏廢入者則在今慶陽府寧州曹魏時移之寄治古殺羽縣六朝因之乃今耀州濁水又東南與仇鳩水合水發鳩

溪南逕河池縣故城西

王莽之樂平亭也

其水西南流注濁水濁水又東南與河池水合水出

河池北谷南逕河池成東西南入濁水濁水又今按

此東南兩當水注之水出陳倉縣之大散嶺西南流

入故道川謂之故道水西南逕故道城東

魏征仇池築以置戍

與馬鞏山水合水東出馬鞏山厯谷西流至故道城

東西入故道水西南流北川水注之水出北洛櫛山  
南南流逕唐倉城下南至困冢川入故道水故道水  
又西南歷廣香交合廣香川水水出南田縣利喬山  
利喬之利一作穆南流至廣香川謂之廣香川水又南注故  
道水謂之廣香交故道水又西南入秦岡山尙婆水  
注之

山高入雲遠望增狀若嶺紆曦軒峯駐月駕矣柳  
日駐宋本作枉○今懸崖之側列壁之上有神象  
按戴趙俱徑改枉若圖指狀婦人之容其形上赤下白世名之曰聖  
女神至于福應愆違方俗是祈

水源北出利喬山南逕尙婆川謂之尙婆水歷兩當  
縣之尙婆城南

魏故道郡治也

西南至秦岡山入故道水梓材按朱箋本作西南至  
山趙氏刊誤云至下落秦  
岡二字全氏校補故道水又右會今按趙  
○今按戴亦依補黃盧山水  
水出西北天水郡黃盧山腹歷谷南流交注故道水  
故道水南入東益州之廣業郡界與沮水枝津合謂  
之兩當溪水上承武都沮縣之沮水瀆西南流注于  
兩當溪

虞詡為郡漕穀布在沮從沮縣至下辨山道險絕

水多石舟車不通驢馬負運僦五致一詗乃于  
沮受僦直約自致之卽將吏民按行皆燒石櫛木  
開漕船道水運通利歲省萬計以其僦廩與吏士  
年四十餘萬也

又西南注于濁水濁水南逕槃頭郡東而南合鳳溪  
水水上承濁水于廣業郡南逕鳳溪

中有二石雙高其形若闕漢世有鳳凰止焉故謂  
之鳳凰臺

北去郡三里水出臺下東南流左注濁水濁水又南  
注漢水漢水又東南歷漢曲逕挾崖與挾崖水合水

西出擔潭交東流入漢水漢水又東逕武興城南又  
東南與北谷水合水出武興東北而西南逕武興城  
北謂之北谷水南轉逕其城東而南與一水合水出  
東溪西流注北谷水又南流注漢水漢水又西南逕  
關城北除水出西北除溪東南流入于漢漢水又西  
南逕通谷通谷水出東北通溪上承漾水西南流爲  
西漢水漢水又西南寒水注之水東出寒川西流入  
漢漢水又西逕石亭戍廣平水西出百頃川東南流  
注漢又有平阿水出東山西流注漢漢水又逕晉壽  
城西南合漢壽水水源出東山西逕東晉壽故城

南而西南入于漢水也

又東南至廣魏白水縣西又東南至葭萌縣東北與羌

水合

白水西北出于臨洮縣西南西傾山

胡渭曰白水即尚書之桓水也

水色白濁東南流與黑水合水出羌中西南逕黑水

城西又西南入白水白水又東逕洛和城南洛和水

西南出和溪東北流逕南黑水城西而北注白水白

水又東南逕鄧至城南又東南與大夷祝水合水出

夷祝城西南

今按趙有而字

窮溪北注夷水又東北合羊洪

水水出東南羊溪西北逕夷祝城東又西北流屈而

東北注于夷水夷水又東北入白水白水又東與安

昌水會水源發衛大西溪東南逕鄧至安昌郡南又

東南合無累水無累水出東北近溪西南入安昌水

安昌水又東南入白水白水又東南入陰平得東維

水水出西北維谷東南逕維城西東南入白水白水

又東南逕陰平道故城南

王莽更名摧虜矣即廣漢之北部也廣漢屬國都

尉治

按廣漢屬國都尉故蜀郡之北部也注微誤

漢安帝永初三年分

廣漢蠻夷置

又今按趙無此字有白馬水出長松縣西南白馬溪東北逕

長松縣北而東北注白水白水又東逕陰平大城北  
蓋其渠帥自故城徙居也

白水又東偃溪水出西南偃溪東北流逕偃城西而  
東北流入白水白水又東逕偃城北又東北逕橋頭

昔姜維之將還蜀也雒州刺史諸葛緒邀之于此  
後期不及故維得保劍閣而鍾會不能入也

白水又與羌水合自下羌水又得其通稱矣白水又  
東逕郭公城南

昔郭淮之攻廖化于陰平也築之故因名焉  
白水又東雍川水出西南雍溪東北注白水白水又

東合空泠水傍溪西南窮谷即川源也白水又東南

與南五部水會水有二源西源出五部溪東南流東  
源出郎谷西南合注白水白水又東南逕建陽

昌郡東趙一清曰漢晉宋魏俱無建陽顧祖禹曰武  
則梁州華陽郡地豈建陽乃華陽之訛乎若石倉引  
此文為建昌則西魏析陰平所置非道元能及見也

而北與一水合二源同注共成一溪西南流入于白  
水白水又東南逕白水縣故城東

即白水郡治也經云漢水出其西非也  
白水又東南與西谷水相得水出西溪東流逕白水

城南東南入白水白水又南左會東流水東入極溪

便今按趙無此字即水源也白水又南逕武興城東又東南

左得刺稽水口溪東北出便水源矣白水又東南清

水左注之庾仲雍曰清水自祁山東今案戴合白水

斯為孟浪也水出于平武郡東北矚累互下南逕平

武城東屈逕其城南又西歷平洛郡東南屈而南逕

南陽僑郡東北又東南逕新巴縣東北又東南逕始

平僑郡南又東南逕小劔戍北

西去大劔三十里連山絕險飛閣通衢故謂之劔

閣也張載銘曰一人守險萬夫趙趙信然故李特

至劔閣而歎曰劉氏有如此地面縛于人豈不

東奴才也

小劔水西南出劔谷東北流逕其戍下入清水清水

又東南注白水白水又東南逕今按戴吐費城南即

西晉壽之東北也東南流注漢水

西晉壽即蜀王弟葭萌所封為苴侯邑故遂名城

為葭萌矣劉備改曰漢壽太康中又曰晉壽水有

津關段元章善風角弟子歸元章封笥今按趙藥

授之曰路有急難開之生到葭萌從者與津吏諱

打傷開笥得書曰趙氏朱箋刊誤曰打傷下全氏

言五字翳字元章此作得書曰而趙引作言蓋其

破頭者可以此藥裹之生乃歎服還卒業焉亦廉

叔度抱父柩自沈處也

又東南過巴郡閬中縣

巴西郡治也劉璋之分三巴此其一焉

闕駟曰强水出陰平西北强山一曰强川

姜維之還也鄧艾遣天水太守王頎敗之于强川

卽是水也

其水東北逕武都陰平梓潼南安入漢水漢水又東

南逕津渠戍東又南逕閬中縣東閬水出閬陽縣而

東逕其縣南又東注漢水

昔劉璋之攻霍峻于葭萌也自此水上張達范疆

害張飛于此縣

漢水又東南得東水口水出巴嶺南歷獠中謂之東

遊水

李壽之時獠自牂牁北入所在諸郡布滿山谷

其水西南逕宋熙郡東又東南逕始平城東又東南

逕巴西郡東又東入漢水漢水又東與瀘溪水合水

出獠中世亦謂之爲清水也東南流注漢水漢水又

東南逕宕渠縣東又東南合宕渠水水西北出南鄭

縣巴嶺與槃余水同源派注南流謂之北水東南流



與難江水合流俗本失江字以太平寰宇記校增。今按戴趙並依增。水出東北

小今按趙無此字巴山西南注之又東南流逕宕渠縣謂之

岩渠水又東南入于漢

又東南至今按戴作入江今按趙州江津二字縣東南入

于江今本經文誤作又東南入漢州江津縣閭若璩曰

地又在西漢水不得東過其縣也此必經文有斷爛缺

失而庸人妄補之當作又南至墊江方合予按閩說是

涪水注之庾仲雍所謂涪內水者也顧祖禹曰涪江

十里之小分水嶺東南流過小河所東南逕龍安府

東及江油縣北又東南劍州西南入成都府境逕

彰明縣東又歷綿州城東南亦謂之綿水又歷羅江

縣治東北亦謂之羅江水又東南入潼川州境過州

城東歷射洪縣東及遂寧縣城南又東南入重慶府

境逕銅梁縣北定遠縣西至合州城東南而與嘉陵

江合又東南至府城東而入于岷江昔義熙初益州

刺史毛璩將東討桓振于江陵分遣參軍譙縱等至

五城水口遂作亂四年劉裕使劉敬宣討之敬宣既

入峽遣巴東太守溫祚等出外水自帥大軍繇墊江

轉戰而前至黃虎去成都五百里譙縱悉眾守險敬

宣不能克九年又遣朱齡石伐之密勅齡石從外水

取成都而以別將從中水取廣漢以疑兵從內水向

黃虎譙縱果重兵守涪城以備內道齡石出其不意

而縱敗矣沈約曰涪江為內水庾仲雍云巴州江州

縣對二水口右則涪內水左則蜀外水是涪江為內

水也由內水入涪之上游也重兵成墊江所以保

涪之下流也涪江實中分益州之地而可忽乎哉

潛水

潛水出巴郡宕渠縣

潛水蓋漢水枝分潛出故受其稱耳今爰有大穴潛

水入焉通岡山下西南潛出謂之伏水

伏水劉昭補注郡國志引

蜀都賦注以爲復出水

或以爲古之潛水鄭玄曰漢別爲潛其

穴本小水積成澤流與漢合大禹自導漢疏通卽爲

西漢水也故書曰沱潛旣道劉澄之稱白水入潛然

白水與羌水合入漢是猶漢水也

縣以延熙中分巴立宕渠郡蓋古賓國也今有賓

城

縣有渝水

夾水上下皆賓民所居漢祖入關從定三秦其人

勇健好歌儻高祖愛習之今巴渝儻是也

縣西北有不

今按戴作徐

曹水南逕其縣下注潛水

縣有車騎將軍馮緄桂陽太守李溫冢二子之靈

常以三月還鄉漢水暴長郡縣吏民莫不于水上

祭之今所謂馮李也

又南入于江

庾仲雍云墊江有別江出晉壽縣卽潛水也其南

源取道巴西是西漢水也

羌水

羌水出羌中參狼谷

彼俗謂之天池白水矣地理志日出隴西羌道東南

南流逕宕昌城東西北去天池五百餘里羌水又東

南逕宕婆川城東而東南注今按此四字趙本作南北注羌水五字

昔姜維之寇隴右也聞鍾會入漢中引還知雍州

刺史諸葛緒屯橋頭從孔函谷將出北道緒邀之

此路維更從北道渡橋頭入劔閣緒追之不及按

時姜維由沓中赴難非有事于隴右也諸葛緒塞

橋頭維乃由北道入示將斷其後緒遂退還維反

軍渡橋頭入劔閣非緒邀之于北道也羌水又東南陽部水注之水發東北陽部溪西南逕

安民戍又西南注羌水又東南逕武階今按戴城西

南又東南逕葭蘆城西羊湯水入焉水出西北陰平

北界湯谿東南逕北部城北又東南逕五部城南東

南右合今按趙妾水今按趙傍西南出即水源所發

也羌水又逕葭蘆城南逕餘城南又東南左會五部

水水有二源出南北五部谿西南流合為一水屈而

東南注羌水羌水又東南流至橋頭合白水

東南去白水縣故城九十里

又東南至廣魏白水縣與漢水合又東南過巴郡閬中

縣又南至墊江縣東南入于江

涪水

涪水出廣魏涪縣西北

涪水出廣漢屬國剛氏道徼外東南流逕涪縣西

王莽之統睦矣臧宮進破涪城斬公孫恢于涪自

此水上

縣有潺水出潺山

水源有金銀礦洗取火合之以成金銀

潺水歷潺亭而下注涪水涪水又東南逕縣竹縣北

臧宮溯涪至平陽公孫述將王元降遂拔縣竹

涪水又東南與建始水合水發平洛郡西谿西南流

屈而東南流入于涪涪水又東南逕江油戍北

鄧艾自陰平景谷步道懸兵束馬入蜀逕江油廣

漢者也

涪水又東南逕南安郡南又南與金堂水會水出廣

漢新都縣東南流入涪涪水又南枝津出焉西逕廣

漢五城縣為五城水又西至成都入于江

南至小廣魏與梓潼水今按趙無此字

小廣魏即廣漢縣地王莽更名曰廣信也

梓潼水

梓潼水出其縣北界西南入于涪

故廣漢郡也今按戴無此字公孫述改為梓潼郡劉備嘉

霍峻守葭萌之功又分廣漢以北別為梓潼郡以

峻爲守

縣有五女蜀王遣五丁迎之至此見大蛇入山穴五  
丁引之山崩壓五丁及五女因氏山爲五婦山又曰  
五婦候今按趙馳水所出一曰五婦水亦曰潼水也  
其水導源山中趙氏朱箋刊誤曰導源下全氏校  
增山中二字○今按戴亦依增  
王莽改日子同矣

自縣南今按趙涇涪城東又南入于涪水謂之五婦  
水口也

又西南至小廣魏南入于墊江

亦言涪水至此入漢水今按趙亦謂之爲內水也北

涇墊江

昔岑彭與臧宮自江州從涪水上公孫述令延岑  
盛兵于沈水宮左步右騎夾船而進勢動山谷大  
破岑軍斬首溺水者萬餘人水爲濁流  
沈水出廣漢縣下入涪水也

水經注第三十六終

後學王梓材錄董沛重校

水經注卷三十六終

水經注卷三十六終

水經注卷三十六終

水經注卷三十六終

